

E-EA, TSOSA JESU



Ha re tsoe re sa eme nakoana joale, 'me re tla ba le lentsoe la thapelo.

² Ke batla ho re, ke monyetla o moholo ho 'na ho ba mona bosiuong bona Kopanong ena ea Grantway, le ho kopana le molisa oa lona ea ratehang mona kalaneng ea hae, le kopanong ena e ntle. Ke ne ke thabela lifela tseo, ke eme morao mono, 'me ke utloa banana bao, kea kholoa, ba bina lifela tseo tse monate. 'Me ha ho letho le tsoanang le ho bokana le ho sebeletsa Morena, na ha ho joalo?

³ Joale ha re inamiseng lihlooho tsa rōna nakoana feela 'me re bue le Enoa Eo re tlileng ho mo rapela.

⁴ Ntate oa rona oa Maholimong, re batho ba lehlohonolo bosiuong bona, ho phela le ho phutheha mona ho U rapela, 'me re a U leboha ka sena. 'Me joale, ha re a tla ka morero o mong haese ho U khumamela, le ho lebisa tlotla le thorisano ho Uena ka seo U re etselitseng sona. 'Me ruri re lumela ho hloka tokelo ha rona. Ha re lokeloe ke hona.

⁵ Le ho bona letsatsi leo re phelang ho lona, mohla maseli a rothofalang! 'Me kajeno re hloka ho hlaha ha moporofeta, joalo ka matsatsing a Samuele, mohla Eli, mohla a neng a qala a rothofala, 'me maseli a ne a tima tempeleng ea Molimo. Eaba Molimo o hlaha temeng. 'Me rea rapela, Morena, U tle u hlahe temeng bosiuong bona har'a rōna, le ho Ipontša u phela, e—e moporofeta e moholo ho feta baporofeta bohle, Mora Molimo o phelang.

⁶ 'Me re—re rutiloe Lengolong, ho re, “Molimo mehleng ea khale o buile le bontate ka mekhoha e mengata ka baporofeta, empa letsatsing lena la ho qetela ka Mora oa Hae Jesu Kreste.” Oho, Morena, re rapela hore U be hara rona bosiuong bona ho—ho re tsebisa Boteng ba Hau, ka mesebetsi ea Hau e meholo le liponahatso.

⁷ Hlohonolofatsa phutheho ena, Ntate, molisa oa eona, kamohelo ena e ratehang, monna ea pelo e mosa, le ba hae . . . le literaseti tsohle tsa hae, batikone, le sechaba. 'Me e ke e be nako e monate ea kopano. 'Me re tšepa re tla tsoa mona re thabile, ho re, “Na lipelo tsa rona li ne li sa chese ka ho rona, ha a ntse a bua le rona tseleng?” Hoba re e kopa ka Lebitso la Jesu, Mora oa Hau. Amen.

⁸ Ruri ho monate ho khutlela kerekeng, ke tsamaile matsatsi a 'maloa ke le—le—le phomolong, leetong, leetong la ho tsoma, 'me ke khutlile, le ho ikutloa u khutletse sefaleng hape, ho utloa ho le monate ruri.

⁹ 'Me joale ke amohetse memo ena ho tsoa ho molisa oa lona mona, Moena Mack, liveke tse 'maloa tse fetileng, ho thehela mona. Empa ho etsahala joalo, le a tseba, mehala, le libakeng tseo tseo ho uang, ho fihlela ke—ke sa fumana monyetla oa ho e phethahatsa.

'Me hosane ke tlameha ho ea Phoenix.

¹⁰ 'Me letsatsing le hlahlamang re ea New York odotoriamo e ncha e sa tsoa hahuo mono, 'me re qeta matsatsi a 'maloa ho eona. Ka hona re na le Moena Arne Vick, le—le likereke tse tšehetsang. 'Me rea . . . Kea kholoa molisa oa lona o tseba Moena Vick. 'Me, che, e seng Arne Vick. Ke kopa tšoarelo. Ke lumela e ne e le John, mohlomong moena, le Stone Church, molisa oa Stone Church e kholo, e leng kopano e kholo ka ho fetisisa ea Pentekonta New York.

¹¹ 'Me re ntano tloha mono ho khutlela Shreveport, Louisiana, sebokeng mono le Moena Jack Moore. Re bile mono letsatsi ka leng la Teboho. Liteboho tse tharo tse fetileng, ke qalile kopano mono; Morena o entse joalo, ke rialo. Ntšoarelang. 'Me tsoeletso ha eso fele ho tloha mohleng oo. Kamehla, batho ba kena, ba pholoso, 'me ba tlatsoa ka Moea o Halalelang, haesale ho tloha mohleng oo. 'Me tsoeletso e ntse e tsoela pele. 'Me re na le matsatsi a mahlano le bona. 'Me hape ke nahana hore ka . . .

¹² E be ke khutlela ho . . . ho nyolohela Phoenix, ho qala ka la leshome le metso e robong, mane Ramada Inn. La . . . -la pele, la leshome le metso e robong, la mashome a mabeli, la mashopeli-'ngoe, mashopeli-peli, le la mashopeli-tharo, ke a kholoa, ke kopano. Ka tloaelo, ke tloha kerekeng ho ea kerekeng, pele ho seboka sa Borakhoabo ba Bakreste. Empa re na le bothata ka . . . U qala kereke ea pele, mohlomong e latelang e nyenyane, 'me batho ha ba khone ho kena. 'Me re utloa, ke hona, ha nka fumana Ramada, e lulisang mono, oh, likete tse tharō kapa tse 'ne, hantle, ke tla khona ho ba bokella kaofela, bohle hammoho, le ho tsoelapele masiu a mane pele ho qeta eona ea Banna ba Khoebo ba Evangeli e Tletseng. 'Me ke tla qeta masiu a mabeli, ha ke nahana, ho bua masiu a mabeli tabeng eo. Etsoe, Moena Roberts le libui tse ling tse khabane ba bua kopanong eo.

¹³ Me hape, ho tloha moo, ho ea Visalia. 'Me joale re fuoe ho fihlela mohlomong ka Hlakubele, mona United States. 'Me re ntano ea Yuropa leetong, ho fihlela Phupjane, 'me mono ba tšoare seboka sa lefatše. 'Me hape, ebile, ke tla bua masiu a mahlano mane Philadelphia, tseleng e khutlang, le kopano ea Machaba ea Banna ba Khoebo ba Evangeli e Tletseng. 'Me re ntano tloha, ho tloha mono, ho ea Durban, Afrika Boroa, le ho ea pele, ho qala ka Loetse la bobeli ho ea ho la botšelela. Le ho nyolohela Johannesburg, le ho ea Kenya le Nairobi, le ho feta mono.

¹⁴ Ka hona, ruri, ha ke phatlalatsa sena, re kopa lithapelo, hoba ha ke fumana botšepahi bo boholo le maikutlo a batho ba

phuthehileng, bao ke Bakreste. Ao ke matla a ka, a Bokresteng, 'me batho ba nthapella. 'Me ruri ke—ke kopa lithapelo tsa lōna. 'Me le nketsetse eona, ha le rata.

¹⁵ Joale, bosiuong bona, ha re batle ho nka nako e ngata haholo, hobane ke—ke—ke Sontaha bosiu, 'me le tlameha ho sebetsa ka Mantaha. Empa ke rata feela ho bua ka Morena, 'me ke tla leka ho potlaka ka moo nka khonang. 'Me ke lumela mora oa ka a itse o abile litlankana tse 'maloa tsa thapelo ho rapella bakuli, ha Morena a etella pele joalo, ho rapella batho ba kulang.

¹⁶ Joale, ho rapella bakuli, re . . . Ke phetho seo re ka se etsang, ke ho rapella bakuli feela. Haeba pholiso e le teng, e tlameha ho tsoa ho Molimo. 'Me joale, ho nahana ka lintho tseo ha re ntse re bua, matla 'ohle ao u a hlokang a pholiso a se a le teng mona, mohla Jesu Krete Mora oa Molimo A neng a reka lintho tse na Kalvari. 'Me li buletsoe mang le mang ea ratang, a ka fumana pholiso ea Khalalelo. Ntho feela e hlokoang ho e sebetsa ke tumelo ea hau.

¹⁷ Nahana feela, motlakase o ka hara lithapo, empa u tlameha ho tobetsa konopo. Le a bona? U tlameha ho tobetsa konopo. 'Me ka tumelo u tobetsa konopo, u lumela hore e tla sebetsa. Joale, haeba lithapo tsohle li hokahane ka nepo, 'me motlakase o le ka hara thapo, joale ha u tobetsa konopo eo ntho e 'ngoe e tla etsahala. Be, ho joalo ka pholiso e Halalalang, ka pholoho, kapa litholoana tsohle tseo Krete a li shoetseng, ho re fa tsona. Ntho e 'ngoe le e 'ngoe e phethiloe Kalvari. 'Me re tlameha ho etsa ho le hong feela, ka tumelo, ke ho tobetsa konopo. 'Me ebe e a tloha, e a bonesa, ua bona. E bonolo hakaalo feela. 'Me mono . . .

¹⁸ Rona ba rapellang ba kulang, hangata ba re reha lebitso la Mofolisi oa Khalalelo. Empa ha e le hantle . . .

¹⁹ [Moena o bua le Moena Branham ka tsamaiso ea melumo—Mohl.] (Ho lokile, monghali. Ke a leboha.)

²⁰ Ruri, ha ho ntho e kang e—e mofolisi oa Khalalelo, hoba Krete ke Mofolisi eo. Le a bona? 'Me ha ho ntho e kang mopholosi oa Khalalelo, hara batho. Krete ke Mopholosi eo. 'Me nahanang feela, hore motho e mong le e mong ea kileng a bolokeha, kapa ea tlang ho bolokeha, o bolokehile Kalvari. Ke hona mono, "O hlabetsoe makhopo a rona, 'me re folisitsoe ka maqeba a Hae." Hona mono, re ne re khone.

²¹ Joale, ntho feela, ke ho rera Lentsoe. Jesu Krete, Mora oa Molimo, o laetse barutuo ba Hae ho ea ka lefatše lohle le ho bolela Evangeli ho tloha moo, ho re, "Mehlolo ena e tla tsamaea le ba lumelang."

²² 'Me ka mehla re fumana lihlopha tse tharo tsa batho hara phutheho, e leng: balumeli ba sebele, baikaketsi, le bao e seng balumeli. Ka hona re . . . Bohle ba tsoakane ka mono. Ba ba fihletse letsatsing la Hae. Re ba tšoare joale.

23 Empa molumeli oa sebele ha a leke ho fumana puo e itseng e kholo ea kelello, kapa motho ea apereng hantle, kapa monghali ea itseng 'mohole eèna kalaneng. Empa ka tumelo e pala... Kreste ea pala, hoo, ba bohlale ba tšela holimo eona. Ha ba e fumane. 'Me, le ha ho le joalo, e nyatseha joalo ka—joalo ka letsoho la hao le letona. Le a tseba, Jesu o lebohile Ntate khetlo le leng, ho re, "Lintho tse na O li patetse ba bohlale le ba masene, oa li senolela masea a batlang ho ithuta." Ua bona?

24 'Me kajeno, holim'a likereke tsa rōna li fetoha boipontšhi bo bongata ba Hollywood, sebakeng sa Evangeli e paala feela, Bona, e fetohile pontšo ea liaparo, le—le chebahalo ea kelello, hoo e batlang e ferekanya batho. Empa ke—ke e rata kamoo Bibe e e entseng mona, ka ho nyatseha feela, ho lumela hore mosebetsi o phethiloe ke E moholo eo, Jesu Kreste, 'me ke Eèna eo re mo ratang le ho mo rorisa.

25 Joale ha re bueng ka Eèna, empa pele a re baleng le leng la Lentsoe la Hae. Ke rata ho bala Lentsoe la Hae, hoba Bibe e boletse, e re, "Tumelo e tla ka ho utloa, ho utloa Lentsoe la Molimo." Joale, rōna, ba lumelang Lentsoe la Molimo ba bakae? Ha re boneng. Oh, ke botle. Haeba re lumela Lentsoe leo, ke phetho seo re tlamehang ho se etsa, haeba re Le lumela. Joale, ke eona ntho ea sehlooho, haeba re Le lumela.

26 'Me joale lemohang, ha matsatsi a ntse a feta, ke lokela ho fetoha. Ke tlameha ho re, "Be, ngoahola ke—ke—ke entse ntho e itseng, empa ha kea e sebetsa hantle. Ke ithuta haholoanyane ka eona." U etsa joalo. Bohle re etsa joalo; mahlale a etsa joalo. Mahlale a tla hlalaha ho hong, ho re, "*Hona* ho joalo ho latela mahlale." 'Me nakong ea selemo, ha ho joalo ho latela mahlale. Empa bothata ba eona ke hore, ho bona, ba ke ke ba e lumela. Re tšoanela ho e amohela, le ho itlaleha re fositse. Ua bona?

27 Empa, ho na le ntho e le 'ngoe ka Molimo, ha A etse liphoso. 'Me geto ea Hae ea pele ke eona feela geto ea Hae, hobane Ke mohlokaphetsetso. 'Me ho ba mohlokaphetsetso, ke phetheho atisa ka phetheho, kopanya le phetheho. 'Me, phetheho, ke mohlokaphetsetso. O tsebile tsohle ho tloha qalong. Ha ho mohla a tlamehang ho khutlisa lentsoe. Ha A tlameha ho ntlafatsa, hobane geto ea Hae ea pele ke eona feela geto e ka etsoang. Ha A ithute ho feta, ho hlalefa ho feta, kamoo re ipolelang kateng. Empa O ne a phethahetse, le ho qaleng.

28 Ka baka leo, ha ho le joalo, ha ntho efe feela eo re e balang Bibeleng, etsoe, re lumela ruri hore ke Lentsoe la Molimo. 'Me ha re bala Hono, re ka phomotsa meea ea rona holim'a Seo. Molimo a ke ke a Le fetola le ka mohla. Haeba A fetoha, joale O—O tšoana le 'na, le a bona, O na le moeli, 'me O tletse liphoso. Empa ha A na pheletso. Ke mohlokaphetsetso, 'me A ke ke a etsa phoso.

29 Ka baka leo, ha motho oa pele a tla ho Eèna, ka bothata boo u nang le bona bosiueng bona, haeba e le ka pholoho, leano leo

Molimo a le beileng fatše, ho pholosa motho eo ka lona, ke lona leano leo A u pholosang ka lona. 'Me O ne a ralile leano le le leng, 'me e ne e le ka mali a tšolotsoeng. 'Me motho o tlile ho Eena bakeng sa maloetse, holima motheo oo A folisitseng monna eo holim'a oona, O tlameha ho boloka ntho eona eo kamehla. Haeba a sebelelitse holim'a sehlooho, ka mokhoa khetlo le leng, le ka mokhoa o mong khetlo le leng, joale u ke ke ua tseba mokhoa oa ho Mo atamela. Empa, ua bona, O tlameha ho etsa ka ho tšoana nako le nako, ka hona re beha tšepo ho Eena. Ua bona?

³⁰ 'Me ha ntho e sa etsahale, eo re e kopileng, re tšoanela ho hetla morao ho bona moo thapo e tsetetsoeng teng. Le a bona? Phoso e teng, kae-kae. Mohlomong khatello e ngata haholo e phatlotse feuse, le a bona. Empa re—re tlameha ho lokisa ntho eo. 'Me haeba ntho e 'ngoe le e 'ngoe. . . haeba ea rōna. . . haeba re. . . Ekareha meea ea rōna e sa re ahlole. Ua bona? Ekareha re sa ahloloe, re na le mohau ho Molimo, re a tseba re tla fumana seo re se kopang. Re na le liqelo tsa rona hobane ha re a tsuoa.

³¹ Empa ekareha re ahloloa le ho se lumele, sebe sa mofuta ofe. . . 'Me sebe ke ho se lumele. Lipapiso li peli feela, lintho tse peli tseo motho e mong le e mong lefatšeng a phelang ka tsona, ke hore, tumelo kapa ho se lumele. Ha ho sebaka lipakeng. Ha ho monna ea tahiloeng ea hlahohetsoeng bosiueng bona. Ha ho linonyana tse botšo tse bosoeu bosiueng bona. 'Me ha ho bahalaleli baetsalibe. Ke ho tsoaloe hape kapa ho se tsoaloe hape. Re a lumela kapa ha re lumele.

³² Ka baka leo, ke a lumela, hore, mohla Jesu a ahlolang lefatše. . . Etsoe, Molimo o tla ahlola lefatše ka Jesu Krete. Ke lumela hore re tla ahloloa ka Bibe le ena. Joale, Molimo o ke ke oa loka, kamoo re lumelang, le boikemelo kamoo O leng kateng, 'me ho se sekala sa mofuta seo re ahlololang ka sona.

³³ Be, haeba ba re re tla. . . “O tla ahlola lefatše ka kereke.” Joale, kereke ke efe? Le a bona? Katolike e re, “Ke rona.” Be, ke Katolike efe? Be, Moroma o re, “Ke rona.” Bagerike ba re, “Che, che. Ke rona.” Le a bona? 'Me Bamethodise ba re, “Ke rona.” Mabaptise a re, “Ke rona.” 'Me Pentekosta e re, “Ke rona.” 'Me e mong o re, “Ke rona.” Ua bona? Empa ke. . . Hoo ho ka ferekanya haholo. Batho ba ke ke ba tseba seo ba ka se lumelang.

³⁴ Empa, “Lentsoe le ne le le tšimolohong, 'me Lentsoe le ne le le ho Molimo, 'me Lentsoe e ne e le Molimo. 'Me Lentsoe le ne le etsoe nama la aha hara rōna,” eena maobane, kajeno, le kamehla. *Sena* ke seo kahlolo ea rona e tsoang ho sona, Bibe le, ka hona ha re lumelang Lentsoe le leng le le leng ka boinehelo.

³⁵ 'Me ke itse, boiphihlelo boo ba makhonthe, bo tsoetsoeng labobeli bo tla tiisa tšepiso e 'ngoe le e 'ngoe ea Molimo ka “amen.” Ba ke ke ba leka ho re, “Be, e ne e etselitsoe letsatsi le leng,” kapa, “Seo ha se sa rona. Moea o Halalelang e ne e le oa batho morao koana tsatsing le leng.” Che, che.

36 Petrose o boletse, ka Tsatsi la Pentekosta, “Pallo e etselitsoe lona, bana ba lona, ho ba leng hole, le ba bongata boo Morena Molimo oa rona a tla ba bitsa.”

37 Jesu o laetse kereke ea Hae, ho re, “E-eang ka lefatše lohle le bolele Evangeli. Ea lumelang ’me a kolobetsoa o tla bolokeha. Ea sa lumeleng o tla ahloloha, ’me,” ke lekopanyi, “mehlolo e tla tsamaea le ba lumelang ke eona ena: ka Lebitso la Ka ba tla leleka matemona; ba tla bua ka maleme a macha; ho tšoara linoha, kapa ho noa lintho tse bolaeang, ho ke ke ha ba etsa hampe; ba beha matsoho a bona holima ba kulang, ’me ba tla fola.” Joale, hoo—hoo ho lokile kapa ho fosahetse. Ho ’na, ke motho ea paala. Ke—ke lumela feela hore e lokile, ’me ke phetho seo ke lokelang ho tsamaea ka sona. Ba lelang ho e hlalosa, ke—ke mpa ke sa bone hoo. Ke lumela hore ke Lentsoe la Molimo, ’me ke ’Nete.

38 Joale, mohlomong ha ke na tumelo e lekaneng ho phethisa khato eo eohle, empa ruri nke ke ka batla ho ema tseleng ea motho ea nang le tumelo e lekaneng. Mohlomong ha ke na tumelo e lekaneng le ea Henoke, ea nkileng leeto la thapama le Molimo, ’me a sa tlameha ho shoa, a phahama feela ho nyolohela Hae. Empa ruri nka rata ho bona motho a e etsa hona joale, ua tseba. ’Na—’Na ruri nke ke ka rata ho mo sitisa, ha a e etsa. Ke rapella tumelo ea mofuta oo, hoba re tla tlameha ho ba le tumelo ea mofuta oo. “Rona ba phelang ba saletseng ho Tleng ha Morena re tla fetoloha ka motsotso, ka ho panya ha leihlo, le ho nkeloa holimo ’moho le bafu ba tsositsong, ho kopana le Morena sebakeng, le ho ba le Eena kamehla.” Ke takatso ea pelō ea rōna eo.

39 Joale ha re phetleng ho Mattheu, khaolong ea 8, ’me re qale ka temana ea 23, ho bala e—e karoloana e nyenyane ea Lengolo mona, ho fumana moelelo, kapa temana, ke rialo, bakeng sa moelelo oa e—e Mangolo a ’maloa ao ke a ngotseng fatše mona, ao ke batlang ho bua ka ’ona, le litlhaloso tse ling, lintlha. Mattheu 8:23, ho qala, le ho bala temana ea 27, kaofela.

Eitse hobane a kene sekepeng, barutuoa ba hae ba mo latela.

40 Ke rata seo. Ba ne ba Mo latela hohle moo A neng a ea teng.

’Me, bonang, ha tsoha sefefe se sehlo leoaatleng, hoo sekepe se bileng se apareloa ke maqhubu a leoaatlē: empa o ne a robotse.

Barutuoa ba hae ba tla ho eena, ’me ba mo tsosa, ba re, Morena, re pholose: re a timela.

A re ho bona, le tsoha ke’ng, lona ba tumelo e nyenyane? Eaba O a tsoha, a khalemela meea le leoaatlē; ’me khutso e kholo ea e-ba teng.

Empa banna ba makala, ba re, Ke monna ea joang enoa, eo meea le leoatlle li mo utloang!

41 Joale, ha Morena a ratile, ke batla ho nka temana e khutšoane feela mono; e utloahala e makatsa, mantsoe a mararō: *E-ea, Tsosa Jesu*, kapa, “Ho biletsa Jesu temeng.”

42 Joale, ena e ne e le nako e nyarosang ea kopano ea Morena oa rōna, kapa bosebeletsi ba Hae ba lefatše. ‘Me ke lumela bosebeletsi ba Hae ba lefatše bo sa khaotse le ka mohla, hobane O bathong ba Hae joale. Molimo o no o le ka ho Kreste; Kreste ka hara batho. ‘Me joale O etsa mesebetsi ea Hae eo A e entseng mohleng oo. Eaba O a khathala, o tepeletsoa ke letsatsi, khaolong e sa tsoa feta, ho latela—ho Mareka 4:35. Re fumana mono hore O ne A folisitse ‘mè oa mosali oa Petrose feberu, ‘me ho entsoe le mehlolo e mengata e meholo eo A e entseng.

43 ‘Me mona re Mo fumana a ruta ka lipapiso, a lula a tsamaea a etsa thato ea Ntate. ‘Me ho ka ba molemo ho Mo nka e le mohlala oa rona: kamehla mosebetsing oa Ntate.

44 ‘Me O tšoanetse a be a ne a khathetse a tepeletse, tseleng ea Hae. ‘Me ke a ‘Mona, O ne a tlameha ho tšela Galilea. ‘Me ha A qala a tšela, a khathetse a tepeletse, molemo o tsoile ho Eèna, ho tsoa linthong tsena tsohle tseo A li entseng, ho rera, ho rapella bakuli.

45 ‘Me O tsebile, hobane E ne e le Molimo, ‘me O tsebile mosebetsi o moholo o leng teng kapele. O tsebile lehlanya le ne le le teng koana Gadara, e sa le e le monna ea hlaha lilemo, mothaka e mocha, ha re bolelloa, o ne a lahlehetsoe ke mabaka a hae—a hae a botho, ‘me a phela kantle mabitleng ka moea o mobe. ‘Me ke sebaka se se kakang ho monna ho phela ho sona, setšeng sa bafu, empa e lekana haholo le diabolosi ho kena har’a lintho tse shoeleng. Kahoo o ne a lula mane, ‘me a ne a hlorisoa haholo ke matemona ana, ho fihlela ba—ba (eèna—eèna) ba khaola liketane, ‘me matla a hae e ne e le matla a fetisisang.

46 ‘Me na le kile la bona monna ea teiloeng ke moea o mobe joalo? Matla a hae a makhetho a ‘maloa. Kamoo ke ba boneng likopanong, lihlopha tsa mapolesa li sa khone le ho ba tšoara. Ba ne ba phetla mapolesa ao likotoana, ‘me ba a lahlele kathoko, ‘me—‘me ba tsoe ba kene. . . ‘me ba itšoare joalo.

47 O hole. . . Hobane o inehetse ka botlalo ho ea khopo, E ile ea mo hapa, ‘me a se kelellong ea hae. O entse feela seo moea o mobe o mo kentseng ho se etsa.

48 Eaba kea nahana, boinehelo bo fellelseng ho liabolosi, a ka enahanya motho matla hahlano, ho inehela ho Molimo ka botlalo ho ka etsa’ng ho motho? E ka etsang ho seritsa se fokolang ‘meleng, se sa khoneng ho tsamaea, kapa ho hong? Hola feela re ka ikobela Moea o Halalelang ka botlalo, ho re fa matla a maholohali, ho tsoha ka Lebitso, hobane, “Ea ka ho lona o fetisa ka boholo ea leng lefatšeng.” Le a bona? Uena. . . E—e matla ho

Molimo, a leng ka ho uena, a fetisa hlokofalo efe e ka theohelang holim'a hao. Ha ho letho le ka u phothomang, kapa la u hlola, hobane u tletse Matla a maholo, 'me Matla a maholo ao ke Moea o Halalelang o laolang bophelo ba hau, haeba u le Mokreste.

⁴⁹ 'Me mosebetsi ona o moholo o ne o larile mahareng a Hae le tsatsi le hlahlamang, 'me A tseba sena. 'Me eare ha sekepe se tšela leoatle, A nka monyetla oa phomolo e nyenyane. Joale, moena, molisa mona, le bareri ba bang, ba tseba se boleloang ke sekheo lipakeng tsa seboka sa hoseng le seboka sa thapama. Hangata, haholo ha u jere limaele tse 'maloa tse khohlahetseng joalo ka 'na, u ka rata ho paqama le ho phomola metsotso e 'maloa, u a tseba, ho khathala feela.

⁵⁰ 'Me le hopole, Jesu e ne e le motho; motho hakaalo, A ka shoa; e le motho hakaalo, A ka lla; e le motho hakaalo, A ka lapa. Eena eo, ka mohopolo o mong, motho, hobane E ne e le Mora oa Molimo ea bopiloeng. Molimo o no o ahile ka ho Eëna. Joale, empa E ne e le motho. 'Me E ne e le motho le Molimo, 'moho. Molimo o bopile Sele ea mali popelong ea moroetsana Maria.

⁵¹ Etsoe, re tseba hore mali a tsoa, hemotlelobine, e tsoa ho bong bo botona. Sethole se ka alama lehe, nonyana; empa ha se sa kōpana le e tona, se ke ke sa qhotsa. Ha se a nona. Kahoo e tsoa ho e tona.

⁵² 'Me tabeng ena, e motona e ne e le Molimo, Moea, Jehova, Ntate. 'Me A khurumetsa moroetsana 'me a bopa Sele ena ea mali e hlhisitseng Monna, Krete Jesu, eona e ne e le Mora oa Molimo. Joale, E ne e se Mojuda kapa Molichaba. E ne e le Molimo. Hobane, u a bona, E ne e se mali a Bojuda, hape E ne e se mali a Molichaba. E ne e le Mali a Molimo, Mali a bopiloeng ho re lopolla. Ka hona ha ho Mojuda kapa Molichaba ea ka reng E ne e le oa rōna kapa hoo. E ne e le setho. . . O shoetse morabe o oeleng oa Adama, mahlakore a mabeli, ho batho bohle, hohle, ba neng ba tla Mo lumela.

⁵³ Joale, ho nka phomolanyana, barutuo ba Hae ba khutlela liseileng tsa bona. 'Me kea kholoa e ne e le basesisi ba likepe hobane ba tsoalletsoe mono leoatleng, 'me ba holetse teng, 'me ba tsebile e—e lintlha tsohle tsa leoatle le metsi ana a kotsi, le moo melapo-oatle e neng e le teng, le moo hlapi e neng e le teng, le lihora le linako. Eaba ba nka masokoana a bona ba Mo latela. O ne a habile Gadara. A sa tsoa qeta tsoseletso ka lehlakoreng lena le leng, A sa tšela leoatle.

⁵⁴ Joale, ka mokhathala, O khutlela motšeo ho sekepe, 'me—'me e mong oa bangoli o boletse O robetse mosamong; a tlameha a be a ne a khathetse. 'Me u nahane feela metsotso e 'maloa, le kamoo A sebelitseng ho re pholosa. Lintho tse na tsohle li ne li etselitsoe molemong oa rōna. 'Me O a khutla, ho robala. Joale, barutuo. . .

⁵⁵ Tsoseletso e felile. Tsoseletso ea letsatsi leo e felile, 'me joale ba khutletse mosebetsing oa bona oa ho soka sekepe le ho sesisa

sekepe. 'Me ba tšoanetse ba be ba ile ba thabela mesebetsi eo ba Mo boneng a e etsa. Mesebetsi eo A e entseng, ba tlamehile ba be ba buisane ka liketso tsa Hae, hoba O ne a khutletse sekepaneng, a robetse.

⁵⁶ 'Me kea kholoa, boholo, bo amana le nako ena eo re phelang ho eona, le a bona, tsoseletso eo re sa tsoa feta ho eona, tsoseletso ena ea pentekosta, tsoseletso e kholo ea pholiso e sisintseng lefatše lohle ho pota. Nahanang feela, mello ea tsoseletso e tuka leralleng ka leng lefatše ho pota le ho pota lefatše. Ke a le tsamaea, kamehla. Ke itokisetsa ho kena leetong le leng la lefatše. 'Me lefatšeng ka leng, le sechabeng ka seng, mello ea tsoseletso ea pentekosta e a tuka. Mapresbeteriene a e amohela, Mabaptise, Maluthere, Mamethodise. Ruri ke tebelo ea ho qetela mohlalaha Molimo o bitsang batho ba Hae. 'Me mellohali ena ea tsoseletso e a tuka.

⁵⁷ 'Me barutuoana bana, joalo ka rōna kajeno, tsoseletso e ne e felile. 'Me ba ne ba phuthehile ntleng e ka pele ea sekepe, mohlomong, kapa masokoaneng a bona, 'me ba ne ba bua ka seo A se entseng, mesebetsi ea Hae, e Mo tlalehileng a hlakile ho bona, e le seo A ipoletseng sona.

⁵⁸ Joale, le a tseba, motho a ka ipolela ntho efe feela. Empa ha se sesupo sa seo ba ipolelang e le sona. Le a bona? Re—re fumana seo motsamaong o mong le o mong oa bophelo. Re fumana barekisi ba ipolelang e le barekisi, empa ha se bona. Re fumana litsebi tsa motlakase tse ipolelang e le litsebi tsa motlakase, 'me ha ba joalo. Re fumana batei ba ipolelang e le mak'heniki, 'me ha ho joalo. 'Me re fumana batho ba ipolelang e le Bakreste, 'me e se bona.

⁵⁹ Jesu o hlalositse ka ho hlaka seo Mokreste a neng a le sona. Le a bona? "Mehlolo e tla tsamaea le ba lumelang ke eona ena," ua bona, seo ba tlang ho se etsa, seo Kereke e lumelang e tlang ho se etsa. 'Me Eèna e leng Molimo, le mohlokapheletso, O—O—O itse, "Maholimo le lefatše li tla feta, empa Lentsoe la Ka le ke ke la hloleha." Ka hona, e tlameha ho itulela e le joalo. O e buile. Kea e lumela.

⁶⁰ Joale, barutuoana ba ntse ba buisana, mesebetsi ea Hae, e entsoeng, le kamoo batho ba e amohetseng kateng. Oo ekaba moqoqo oa bona, mabapi le hore Ke Messia. 'Me ntle le pelaelo e ne e le mehopolong ea batho ba itseng. Mohlala, ekaba ba itse, "Joale, Moshe o boletse Morena Molimo oa rona o tla hlalaha moporofeta ea joalo ka eèna. Mang ea sa utloeng moporofeta enoa o tla khaola sechabeng. Joale, re a tseba hore Messia e ne e tla ba Molimo-Moporofeta. E tla ba Monna e tla ba e—e Moporofeta ea phahameng. E tla ba Molimo oa baporofeta, empa, koana, ka liketso, E tla be e le Moporofeta, hobane Lentsoe la Molimo le tla ho moporofeta feela. 'Lentsoe la Molimo le tla ho moporofeta.'" Joale, 'me Eèna ka ho ba . . . E ne e le Lentsoe le

tlang ho baporofeta feela, empa E ne e le Lentsoe. Ua bona? Ke eona phapang. Ka hona O ne a tlamehile e be Moporofeta.

⁶¹ 'Me ntle le pelaelo ba ne ba qoqile mohla, Simone, mohla a 'Monang la pele, 'me A 'molella hore ke mang, lebitso la ntatae e ne e le mang. 'Me, khele, o tsebile Monna eo a sa mo tsebe, ka hona o tsebile e tlamehile e be e le moporofeta. 'Me eitseha Filipi a bona sena, 'me a tloha a bolella Nathanaele, 'me Nathanaele a khutla ho bona, le se neng se etsahala. 'Me Jesu a bua le eèna 'me a re, "Bonang Moiserale," kantle mono har'a letšoele, le a tseba, a eme le Filipi, ho re, "eo ho seng mano ho eèna."

⁶² A re, "Rabbi, U ntsebella kae?" Ka mantsoe a mang, e le khetlo la pele ba kile ba 'Mona.

⁶³ A re, "Le pele Filipi a u bitsa, u sa le tlasa sefate, Ke u bone." Oh, khili!

⁶⁴ A re, "Rabbi, U Mora Molimo. U Mora Molimo, Khosi ea Iseraele." Joale, hoo ho Mo entse Messia.

⁶⁵ 'Me hape, ehlile, haufi ho eme baholo ba molao, ba sa kang ba lumela sena. 'Me ba ne ba tlameha ho arabela phutheho ea bona. Ba itse, "Monna enoa ke Belsebule. O na le moea oa Belsebule." 'Me Belsebule e ne e le liabolosi, e leng senohe, kapa moloi. "Me o e sebetsa joalo. Ke bokhoni ba ho bala kelello, o bala likelello tsa bona ka boloi kapa ho hong mokhoeng oo, 'me hoo ho mo etsa liabolosi."

⁶⁶ Jesu o na be a ba boleletse nyefolo eohle e tla tšoareloa mora motho, haese ho nyefola Moea o Halalelang. Le a bona? 'Me Moea o Halalelang o ne o eso abjoe. Kahoo mohla Moea o Halalelang o neng o fihla, le ho etsa kamora Pheko, le ho etsa mosebetsi oo Jesu a o entseng, ekaba sebe se sa tšoareloeng ho bitsa hoo moea o mobe. E nahaneng. Le a bona? Ka mor'a . . .

⁶⁷ Jesu, O ne a le mono ho bonahatsa Lentsoe. Motho a ntse a le sebeng, feela ka sehlabelo sa phoofolo. Mme bophelo ba phoofolo bo sitiloe ho lula holima molumeli, hobane e ne e le phoofolo, 'me enoa e ne e le—e le motho. 'Me phoofolo ha e na soule; motho o na le eona. 'Me Khosi ea meea e ne e le ena, Molimo ka Sebele, a bonahetse bothong ba Mora oa Hae, Jesu Kreste. 'Me hoba A shoe, Moea oa Molimo oa khutlela holima molumeli. 'Me hape motho ea nang le monyetla oa ho amohela Sena, ebe o bitsa tšebetso ea Moea oo, "liabolose," ke ntho e ke keng ea tšoareloa. E ke ke ea tšoareloa le ka mohla.

⁶⁸ Joale, 'mè oa ka oa khale oa boroa, ke sa le moshanyana, pele ke sokoloha, e ne e le mosali ea lokileng mehleng eo.

⁶⁹ Nkile ka fuoa monyetla oa ho tataisetsa 'mè ho Kreste, le ho mo kolobetsa, le ho 'mona a eshoa, ho tšoara matsoho a hae ha a hlokahala, le ho bua ka Jesu ho fihlela a sa khone ho bua hape, ho rorisa Lebitso la Hae. Ka re, "Mè, haeba u sa Mo rata, tabanya

mahlo,” ’me a taba-tabanya mahlo a hae feela, le likeleli li theoha marameng a hae, mohla a tlohileng ho ea kopana le Molimo.

⁷⁰ ’Me o ne a tloaetse ho mpoella, pele a tseba hantle, “Billy, ho—ho nyefola Moea o Halalelang ke sebe se ke keng sa tsoareloa,” a rialo, “ho bolelang motho ea ipolaeang, a ke ke a tsoareloa hona.” E ne e le mohopolo oa hae oo. Empa hamorao re utloisisa ho *nyefola* e le ho “soma, kapa ho tloka, ho bua ka eona le ho soma ka Moea o Halalelang.”

⁷¹ ’Me Jesu mona a ba bolella, ho re, “Le ka bua lintho tseo ’me la Mpitsa Belsebule, hoo, Ke tla le tsoarela hoo. Empa mohla Moea o Halalelang o tlang hoba Ke falle, ke taba e sa tsoareloeng, ho—ho nyefola seo. ’Me mohla A tlang . . .” Eèna, e seng mohopolo, joale, ke Motho. Ke lemeli la motho. *Ke Motho.* “’Me mohla A tlang, A ke ke a tsoarela litlolo tsa lona mono. Ua bona? Ruri O tla etsa mesebetsi eo Ke e etsang. O tla ntšelelsa pele tšebetso ea Ka. ’Me O tla le ruta lintho tsena tseo Ke le rutileng tsona, le ho le bontša lintho tse tlang ho tla.” Le a bona?

⁷² “Hobane Lentsoe la Molimo,” Baheberu 4, “le bohale ho feta sabole e leolitsoeng ka nqa tse peli, le hlaba le ho isa mokong oa lesapo, ’me ke Mosenoli oa mehopolo e ka pelong.” Moea o Halalelang o a senola, ua bona, hobane Ke Lentsoe. Ke Lentsoe. “’Me Lentsoe la Molimo le bohale le ho fetisa sabole e leolitsoeng ka nqa tse peli, Mosenoli oa mehopolo le merero ea pelō.” Oh, ba ne ba lokela ho tseba seo.

⁷³ Ebile, lintho tsena tsohle tseo ba buisaneng ka tsona, le kamoo mosali a nyolohetseng selibeng kateng, le lintho tse ling tse ngata, sefofu Bartimea, le lintho tseo ba ’Moneng a li etsa. ’Me ba loketse ba be ba buisane ka seo. ’Me ba kholisehile hoba eo e ne e le Messia, ho se motho ea ka nkang sebaka sa Hae.

⁷⁴ Hobaneng? Ba hlokile ba moporofeta lefatšeng lilemo tse makholo a mangata. ’Me hang ha hlaha moporofeta, ea bitsoang Johanne, a sa inkele tlotla, empa ho bolela sena, ho phatlalatsa sena, ke rialo, hore, “Messia o teng hara lona joale. Le a bona? Ho eme E Mong hara lona.” Oh, khili! O ne a ikemiselitse hore ba tsebe hora e fihlile.

⁷⁵ Johanne Mokolobetsi e ne e le monna e moholo. Le tseba tsoalo ea hae, le ka moo a amohetseng Moea o Halalelang pele a tsoaloa, popelong ea ’maè.

⁷⁶ Mohla Maria a fihlileng, e le moroetsana, ’me a mo bolella hore o tla ba le ngoana, le ho bolella Elisabetha ka ho ba le lesea, le kamoo Moea o Halalelang o hlahileng ho eena, Lengeloi la Morena, ke rialo, ’me la ’molella hoba e tla ba ’mè le eèna. ’Me a re, “Ke tla fumana Mora, ’me ke tla Mo reha Lebitso la Jesu.” ’Me eitse ha a re, “Jesu,” khetlo la pele Lebitso leo le kileng la boleloa melomong ea motho. Ngoana e monyenyanane ka popelong ea ’m’ae, ea shoeleng, o ne a tsoenyehile ka hona, ha ho bophelo, likhoeli tse tšeletseng, hoo ho sa tloaeleha, empa hang feela ha

Lebitso leo “Jesu” le ne le boleloa pele ke molomo oa motho, Johanne e monyenyanane eo, ea shoeleng popelong ea ’mè a phela a tlolaka ke thabo, Bibe e rialo.

⁷⁷ Haeba e ka etsetsa lesea le shoeleng joalo, e tlameha ho etsetsa Kereke e tsoetsoeng labobeli eng e tletseng Moea o Halalelang? Folisa ba kulang, pholosa ba lahlehileng! Le a bona? “Hobane hang ha tumeliso ea hau e fihla litsebeng tsa ka, lesea la ka la tlōlaka pōpelong ka thabo,” u a bona. ’Me o ne a tletse Moea o Halalelang ho tloha popelong ea ’mae. ’Me monna enoa ea tletseng Moea o Halalelang. . .

⁷⁸ Le ha, ntatae e ne e le moprista. Ka tloaelo, e ne e le moetlo matsatsing ao hore ngoana a latele neeletsano ea ntate oa hae, kapa mosebetsi oa ntate. ’Me joale re fumana Johanne, mosebetsi oa hae, o le bohlokoa hakana a sa khone ho ea sekolong sa baprista seo ntatae a se keneng, hobane ba ne ba tla re, “Joale, u a tseba, Moena *Sekete-kete* mona o tlamehile. . . U tla tsebahatsa Messia. *Enoa* ke Eèna. Khele, U a tseba *enoa* ke Eèna, hobane, bonang, ke thaka le khabane hakaana.”

⁷⁹ E ka ba khetho e tšoanang le eo barutuo a ba e entseng maloka le ea tlang ho tlatsa sekheo sa Judase. Le a bona? Lotho e oetse holima Matthiase. Ba khetha Matthiase, ka bongata, empa Molimo oa khetha Pauluse. Le a bona? E ne e fapanane.

⁸⁰ Lemohang. ’Me re fumana mosebetsi oa hae o ne o le bohlokoa haholo, a ba a kena lefeelleng a lula mono ho fihlela a le lilemo tse mashome a mararo. ’Me eitse ha a tsoa, a ntse a rera, a tseba hoba Jesu enoa e tla ba Motho oa mofuta mong. Hoba, o—o ne a eme mono, ’me a tiile hoba E tla fihla tsatsing la hae, ho fihlela a itse, “E Mong o eme har’ a lona, Eo ke sa lokelang ho jara lieta tsa Hae. O tla le kolobetsa ka Moea o Halalelang le Mollo.”

⁸¹ ’Me tsatsi le leng, ha a eme mono, a talima, ’me a bona pontšo e tsoang leholimong. ’Me a Mo tseba, ka pontšo. Johanne a paka, a paka tjena, “Ke pakile ke bone Moea oa Molimo, eka leeba le theohang leholimong, ’me Lentsoe la re, ‘Enoa ke Mora oa Ka ea ratoang eo Ke khahlisoang ke Eèna.” O tumisitse Messia hoba a bone pontšo ea Messia.

⁸² Joale, barutuo a bana ba tlamehile ba be ba qoqile ka sena, hoba tsoeletso ena e fete, le a bona, hoo bakeng sa letsatsi leo, boitšoaro ba batho ba bang, ba bang ba lumela, ba bang ha ba lumele.

⁸³ Le kajeno re fumana hona hoo. Batho ba teng ba lumelang. Ba bang ha ba lumele. Re e tšoere ka—ka likhobokano tsohle: balumeli ba bang; ba bang ha ba lumele, ho hang.

⁸⁴ Mme ba bang ba boletse, tsatsing leo, “Ha ho motho ea kileng a bua joaloka Monna enoa. Ha A bue joaloka moprista kapa moreri. Seo Monna eo a se bolelang se etsahala hantle mono. Le

a bona? O bonahatsa seo re se rerang. Le a bona? Eena, ha ho motho ea buileng tjena.” Ke hantle.

⁸⁵ 'Me mono ha hlaha bomosalumele ba itseng, ba itse, “Monna enoa ke Belsebule. A ka etsa sena feela ka moea oa liabolosi.” 'Me Jesu a ba khalemela.

⁸⁶ Joale e ka ba e itse, Johanne, thaka le lecha, a ka be a itse, “E nahaneng, baena, re na le Eèna hona joale. Oh, mohopolo o mokakang! O ka hara sekepe le rona.”

⁸⁷ Hola rona, bosiung bona, moena oa ka ea ratehang le khaitseli, re ka tsitsa nakoana feela, ho elelloa, Messia enoa eo re buileng ka eèna, 'me Molimo o itse o tla tla. 'Me O ne a le lefatšeng mona; a shoa, a tsoha hape, a nyolohela Leholimōng. 'Me a khutla ka—ka—ka. . . ka mora matsatsi a leshome, 'me a iponahatsa ho bona ka Pentekosta, 'me a roma Kereke ea Hae. Eèna Jesu eo o na le rōna kajeno re sa sesisa holim'a maima a bophelo. Re bua ka Eèna. Re nahana ka Eèna. Re bala ka Eèna, seo A se entseng, seo A neng a le sona, kamoo A phetseng kateng, mefuta ea mesebetsi eo A e entseng, e be re lebala ka eona. Na le a elelloa O na le rōna, e seng le rōna feela, empa ka ho rōna? Oh, ha ke e nahana!

Ebile maikutlo a makakang a polokeho, ho nahana hore eena 'Mopi ka Sebele, ho sesa le bona metsing a fuluehileng.

⁸⁸ Oh, ke polokeho e kakang kajeno, ho tseba hobane wona Molimo o entseng maholimo le lefatše, ea entseng lerōle lena leo re phelang ho lona, le bitsoang 'mele, o theosa le rōna leoatleng la bophelo, ho tseba hore ho kula le mahlaba li a re khopisa, 'me lefu le re tjametse mahlong. Empa re lokela ho tšoha eng? Eèna 'Mopi oa lona lerole, tsona lielemente tse leshome le metso e tšeletseng tse re etsang, petroliamo le khanya ea cosmic, e tsamaea le rona sefefong se seng le se seng le leoatleng le leng le le leng. 'Nete ea Hae e ke ke ea hlōleha le ka mohla. O na le rōna, 'me o itse, “Bonang, Ke na le lōna ka mehla eohle, ho isa bofelong ba lefatše.”

⁸⁹ Joale, eareha ba sesisa metsing ana a fuluehileng, ba ne ba buisana ka taba ena, le ho nahana kamoo e tlamehang ebe ebile tšireletso ho batho ba nang le bona, barutuo ba nahana, khabareng ea tšoenyeho, ba tsebile tsoeletso e khōlō e sa tsoa etsahala, 'me ba keteka liphetho tsa eona.

⁹⁰ Joale, ke hopola hoo ho itšoanela le rōna haholo kajeno. Re bile le tsoeletso e kholo, empa, re fumana hore, e a phola. Joale, ho latela nalane, etsoe ha ke motho ea rutehileng, empa ke nkile nalane ea likereke, *The Nicene Fathers*, le Hislop's *Babylons*, le joalo-joalo, le ho fumana hore tsoeletso efe e nka lilemo tse ka bang tharo feela. E batla e tsoella e tšoarella hakaalo. Empa ena esale e tsoeletse lilemo tse ka bang leshome le metso e mehlano, hoba ke kholoa e le ea ho qetela eo re tla e fumana. Ka hona re haufi le ho Tla ha Morena.

⁹¹ 'Me joale mohlomong joalo ka ha ba ne ba le teng, sekepeng seo bosiuung boo, mohlomong re ntho e tšoanang, haele moo rona, barutuo ba Hae ba lumelang ho Eèna, joale re mpa re keteka feela holima seo re se boneng se etsoa. Oh, lintho tseo ke boneng A li etsa! E ka qeta likhoeli le likhoeli, ho... Nka ngola e—e volumu ea libuka, ka seo ke Mo boneng a se etsa, ea lipontšo tse khōlō, meeka, mehlolo. Tseo e leng feela... E hlola kutloisiso efe ea motho. E ne e ka khona ebe matla a ka holim'a hloleho a Molimo, ho etsa ntho e joalo.

⁹² 'Me ha ke—ke nahane nka ema mona holim'a deske ena, joaloka mosebeletsi oa Evangeli, 'me ke—ke bue ntho e phoso, ka ha ke le lilemo tse mashome a mahlano le metso e mene 'me matsatsi a ka a fela. Ke tlameha ho kopana le Eèna. Ke tlameha ho ba... Ke batla ho shoa ka botšepahi hore lintho tsena li nepahetse, 'me li tlameha ho ba joalo. Le a bona? Hobane, hase hoo feela, empa ke tla be ke khelosa batho.

⁹³ Empa ke tla re, bosiuung bona, hore ke 'Mone, O bile le katleho e ngata ho—ho maikitlaetsong a manyane ao ke a entseng. Joale hopola. O bile le katleho e fetang maikitlaetso ao ke Mo etselitseng, ka Evangeli ea Hae, ho feta kamoo A sebelitseng nahang ea Habo moo A tsoang teng. Nka—nka ngola Libibele, ho tseba seo A se entseng matsatsing ana a qetelo, hobane O tšepisitse seo.

⁹⁴ "Lintho tsena tseo Ke li etsang le tla li etsa, 'me le tla etsa tse fetang tsena." E re "e meholo," etsoe, lentsoe le nepileng mono ke... Ha ho mango ea ka etsang tse kholo ho feta. O entse sohle se ka etsoang, ua bona, ho tsosa bafu, ho khutsisa tlhaho, le ntho e 'ngoe le e 'ngoe. "Empa le tla etsa e mengata ho ena." Hoba mohlantso o Moea o ne o ahile ho Motho a le mong, Mora Molimo, joale bara ba Molimo ba lefatše ka bophara. "Le tla etsa le e mengata ho ena, hoba Ke ea ho Ntate," le a bona, ho khutlisetsa Moea o Halalelang holim'a Kereke.

⁹⁵ 'Me ba tšoanetse ba be ba etsisitse rōna joale, ho phomola lipakeng tsa litsoseletso, ho emela ho Khutla ha Morena. 'Me ha re ntse re sesisa, re paka, re bua ka, "Oh, ke sa hopola mohla re tšoereng kopano ena *mono*. Ke hopola ha sena se ne se le *mona*. Lesea le shoeleng lena le robotse *mono*, 'me esale le shoele matsatsi a mabeli, 'me ba kenya kopanong, 'me Moea o Halalelang oa le tsoetsa bophelong hape. Ho bona motho enoa a kena ka tsela *ena*, le ka tsela *eane*, lifofu, liritsa, ba shoeleng litho, ba mahlomoleng, ho ba bolella seo ba se entseng, le se etsahetseng, kamoo Moea o Halalelang o kopaneng le batho kalaneng, oa ba bolella seo ba se entseng. Bathetsi ba hola ba e hopola e le ho bala mohopolo, 'me ba pepesoa hantle. 'Me ba bang ba bona ba shoa litho, hantle ka pel'a mahlo a rona, ka pel'a likete tsa batho. Lintho tsena tsohle tse kholo li e paka." 'Me joale re batla re phomola mahareng a nako, le a bona, ho phomola.

96 Ekaba Jesu o entse mohlang oo joaloka ha A entse letsatsing la pōpo. O bopile lefatše, le maholimo le lefatše, ka matsatsi a tšeletseng. 'Me ka letsatsi la bosupa, A phomola.

U re, “Na e ne e le Jesu eo?” E.

Bibele e boletse, “O ne a le lefatšeng, 'me lefatše le entsoe ke Eèna, 'me lefatše ha le a ka la Mo tseba.”

97 Ekaba O ne a phomotse, ho tloha tsosetsong e 'ngoe ho ea ho e 'ngoe, joaloka ha A ne a phomotse lipakeng tsa Genese le ho Khutla ha Hae, le a bona, ho phomola hanyenyane. Eare, A sa leka ho phomola, 'me barutuo ba . . . lebetse hoba O na le bona, eaba bothata bo a hlaha.

98 Ke motsotso oo e qalang ka oona. Mohla kereke e lebalang ka Boteng ba Jesu Krete, ha re lebala 'me re qala re tsekisana le ho qabana, 'me re ngangisana ka liphapano tsa rona tsa mekhatlo, le joalo-joalo, ke hantle mohla bothata bo qalang.

99 Empa ha feela Krete a le teng, 'me Moea o Halalelang o ntse o hlohonolofatsa batho bohle, ha re tsotelle: 'mala, tumeloana, kapa eng. Bohle re ka har'a letša le le leng le leholo la mahlohonolo a Molimo, ho kopanela feela tlasa Mali a Jesu Krete, 'me ha re e lemohe.

100 Empa ha re qala re leka ho nahana, “U a tseba, mokhatlo oa ka oa bolumeli o betere ho oa bona, o moholoanyane ho oa bona. Litho tsa rona li ngata,” ke mohla mathata a kenang.

101 Kahoo ba qala ba fumana hoo, 'me mathata a hlaha mohla ba lebalang hore O teng mono. Ho bua haholo ka Eena, le ho se Mo elelloe a le 'moho le bona. Eka nka be ke ena le mokhoa oa ho e khokhothela. Shebang, ba ne ba bua ka Eèna, empa ba lebetse hore O ne a robetse sekepeng seo ba neng ba le ho sona.

102 'Me kajeno, ke sona se etsahetseng ho likereke. Re bua ka Eèna. Re ruile hlalefo e ngata hakana, ho fihlela banna ba koetlisitsoe Lengolong, ho fihlela ba ka tlisa molaetsa o tla . . . U ke ke ua o supa ka monoana. Empa Molimo o kae? Ke seo ke batlang ho se tseba. Ponahatso eo e hokae? Le a bona? Lithero tsa hlalefo!

103 Bibele e boletse, “Pele ho tšenyeho ea pele ho moroallo,” 'me Jesu o itse, “ho tla ba joalo le ho Tleng ha Mora motho, joaloka ha ho bile mehleng ea Nohe.” Ho ne ho le lifonthoane lefatšeng. E ne e le lifonthoane, banna ba linatla.

104 'Me kajeno lifonthoane tsa bohlalefi li teng. Banna ba teng bao, oh, banna ba baholo, banna ba linatla. Ba tseba Segerike, joaloka ha ba tseba Seheberu, le ntho e 'ngoe le e 'ngoe, 'me ba ka se kopanya ka bohlale bo boholo. Empa e kae e—e tsosetso eo? O kae Molimo oo o tukang pelong ea motho? Ha se ka bohlale ba eona; e hloka ho nyatseha, ho tlisa matlaa Molimo.

105 Eaba ba fumana, joaloka rōna kajeno, bothata boo bo a kena. Sekepe sa qala sa kolokoteha, le meea ea pheula liseile, 'me

seketsoana sa khelella metsi. Eng? Litšepo tsohle li timile, litšepo tsohle tsa ho phonyoha.

¹⁰⁶ Joale, haeba u kile oa fihla Galelea, tsona lintho tseo li etsahala kajeno. Ka nqa bophirima, ho na le—ho na le lithaba. Lepatso ka ho eona, ka mokhoa oo, ka mokhoa e petsotsoe. 'Me, kajeno, batšoasi ba lihlapa lebopong mono ba tla le bolella hoba ho a tšabeha ho tšela leoatle mono, hobane lifefo tseo li nyoloha li sa lemose, li haola li lepella feela. 'Me metsi ao, metsi a pheulehang, a biloha a likoloha le ho likoloha, 'me a tebisa batšoasi ba lihlapa le kajeno.

¹⁰⁷ 'Me hang feela ntho ea etsahala. Mathata a hlaha. 'Me liseile tsa theoha, 'me moea oa e butšoela. 'Me masokoana a qala a hloleha, 'me a robeha, a robeha, ha batšoasi bao ba lihlapa ba liqhobane ba a soka, ba tseba ho tobana le maqhubu ao. 'Me —'me hang mokoroana oa tlala metsi. Empa na ha ho makatse ha banna, bao lihora tse 'maloa feela tse fetileng, amen, ba 'Mone a etsa lintho tse kana, 'me ba lebetse sohle ka eona?

¹⁰⁸ Molimo O tsositseng bafu, Molimo O folisitseng bakuli, Molimo O tlatsang ka Moea o Halalelang, tse re boneng li etsoa, ho joalo kajeno. O ka hara mokoroana hantle mona. O na le rona mona. "Bonang, Ke na le lona ka mehla. Le ha e ka ba mathateng, kapa mohla se sesang hantle, ke ntse ke le ka sekepeng." Le a bona?

¹⁰⁹ Ba ne ba le lebetse ka sona. 'Me ba hopola monyetla oohle oa ho phonyoha o felile. Ba hopotse ba . . . Ba Mo bone a etsa lintho tse ngata, empa joale ba lebetse A le ka sekepeng. Tsohle li lebetsoe, nakong ea tlokotsi, joaloka hona joale.

¹¹⁰ Joale, ho a tšoana le kajeno, rea fumana, ba fumane mathata ao bokhoni ba bona ba sitiloeng ho a thusa. Le a bona? E sitile bokhoni ba bona ho e lokisa. Ba ne ba leka ho phahamisa liseile, 'me meea ea li pheula. Ba leka ho ina masokoana, ho thibela metsi ho kena sekepeng, ho phutla maqhubu hantle feela. Kamoo lona basesisi ba liketsoana le tsebang tlameho ho sebetsa, le sa hloe leqhubu leo hantle, le tla tebisa sekepe. U tlameha ho se laola, ho palama leqhubu ha u feta. 'Me batšoasi bao ba lihlapa, ka sohle sa bona, ba thahasella ho phonyoha, hoo ba lebetseng hore 'Mopi o n'a le ka sekepeng. 'Me bokhoni bohle ba bona ba hloleha.

¹¹¹ Ke bona likhahitseli tse peli li lutse mona bosiuang bona litulong tsa bakuli. Le a bona, ntle le pelaelo basali bao ba lekile sohle lefatšeng ho fola. Mona ho ka ba le batho ba tšoereng ke mofetše, motho ea jeoang ke pelō, le tsebo ea ngaka e sebelitse sohle seo ba ka se khonang, ho u thusa. Empa u pheletsong. Bao, ha ho letho le ka etsoang. Na re lebetse Ea nang le rōna?

¹¹² Enoa ke mang, ea sesisang bophelong bo mahlonoko, le rōna? Ke mang ea tšepisitseng? Ke Lentsoe. Ua bona? Ha e-so tlosoe ho rōna le joale. Ke e batla joalo, pelōng ea ka, haeba ba ka nka *sena*,

ke E tšoere *mona*. Le a bona? Le a bona? Empa Lentsoe le sa na le rona. Ke Lentsoe. 'Me e—e lintho tsa sitang ngaka, lintho tse sitang kereke ea lefatše, re na le 'Mopi oa lintho tsohle le rona.

¹¹³ Ke balile lengolo le potolohang le ntšitsoe ke Mopentekosta e moholo ea neng a lutse a bapile le mopapa, ha se khale haholo, lekhotleng la likereke. Ke ngotse fatše, lilemo tse mashome a mararo le metso e meraro tse fetileng, hore eona ntho eo e tla etsahala. Joale, u ke ke oa sokollela mapentekosta a makhonthe, a moea nthong eo. Ba tseba hantle ho feta mono. E utloahala e hlabosa haholo ho bahlalefi, empa kelello ea moea e qhautsa ka potlako hore e phoso. Ba e tseba e fosahetse. Ba tseba seo Molimo o se buileng ka lintho tseo. 'Me ka hona, ba—ba ke ke ba e tšoara le ka mohla.

¹¹⁴ Joale, ba bang ba tla e tšoara, moo Jesu a boletseng meea e 'meli matsatsing a qetelo e ka thetsa le bona Bakhethoa hola ke ntho e ka etsoang. Le a bona? Empa Bakhethoa ba tla tseba ho fapaneng. Empa re nakong ea tlokotsi mohla ho seng moreri lefatšeng ea ka thibelang liphutheho tsa rōna tsa bolumeli ho ingolisa le lekhotla lena la bokereke. Ba se ba le kahara lona. Ho sa tsoetelehe lintho tse ngata ha kae tseo Molimo o li entseng, O hlohonolofalitse hakae har'a rona, ba kene ho eona, leha ho le joalo. U ke ke ua e thibela. Ke phetho se leng teng. Ba tla e etsa. Joale, mathata a ke keng a lokisoa ke kereke. . . Eaba, hang feela ha re fumana hore. . .

¹¹⁵ Ha u ea ngakeng, o tla re, “Be, ke masoabi ho u bolella, empa u—u tšoeroe ke mofetše.” Ho lokile, kapele, ke phetho. “O—o—o shoele. Ke phetho se leng teng. Kapa, eèna, ho felile ka bona.” Lingaka li re, “Be, ke ho kholofalo. U ke ke. . . Ke leukemia.” Be, kapele, “Ba se ba ichoeletse, hona hoo.” Le a bona? Tšabo e a kena, le a bona, empa ha e a lokela.

¹¹⁶ Enoa ke Mang ea entseng tšepiso? Re phelela'ng? Hobaneng re le Kereke ea Molimo o phelang? Hobaneng re tlatsitsoe ka Moea o Halalelang? Ho hopola nakong ea matšoenyeho, O ntse a le teng. O tsitsisa lintho. Esale Eèna maobane, kajeno, le kamehla. O na le rona joalo feela. A ka tšoha a phomotse metsotso e 'maloa lipakeng tsa likopano, empa O sa le teng mona ka ho tšoana. Yaa. 'Me ha bothata bo kena, le tumelo ea Hae e nang le rona. . . Joale tšabo e a kena. 'Me ha tšabo e kena, re kena mathateng ruri.

¹¹⁷ Re fumana seo ka hare ho kereke, naha, hohle feela. Lichaba tsohle li harohile letsoalo. Moastronoto o teng kae-kae, 'me bomo ea atomo e teng. 'Me re a tseba hoba mahlale a hlahisitse lintho tsa mochini, ho fihlela, nako efe, ntle le temoso, lefatše lohle le ka pshatleha likotoana. 'Me lefatše le tšohile.

¹¹⁸ Ha ke tšabe ha lefatše le pshatleha likotoana. Ho tla fihla lilemo tse sekete tsa puso ea Mileniamo, hoba sena sohle se fete. Molimo o ke ke oa hloleha morerong oa Oona. Ntho feela eo ke

e rapelang, “Morena, na ke lokile ho tsamaea, mohla A tlang?” Ke—ke eona feela tšabo eo ke nang le eona. “Na ke U khahlisitse, Morena?” Le a bona?

¹¹⁹ U se ke ua tšaba seo motho a se etsang. Tšaba Molimo. A re, “Le se ke la tšaba eo ea ka senyang ’mele. Empa Ea ka timetsang ’mele le moea liheleng.” Le a bona? Ho lokile.

¹²⁰ Joale, liqabang joalo-joalo, ha bothata bo kena, tšabo. ’Me re bonahala re itšoanela haholo kajeno. Empa, hopolang, O sa na le rōna.

¹²¹ Joale, ho Santa Johanne, khaolo ea 1, le se ke la e lebala, “Lentsoe le ne le le tšimolohong, ’me Lentsoe le ne le le ho Molimo, ’me Lentsoe e ne e le Molimo. ’Me Lentsoe le ne le etsoe nama la aha har’a rōna.” Baheberu 13:8 e itse, “E sa le Eèna maobane, kajeno, le kamehla.” ’Me Buka ena ke tšenolo ea Jesu Kreste, ho tloha ho Genese ho isa Bukeng ea ho qetela, ea Tšenolo. Ke tšenolo ea Jesu Kreste. Baporofeta le lintho tseo tsohle e ne e le liriti tsa Kreste. ’Me tsohle tse ka hare ho Buka ke Jesu Kreste.

¹²² Ka hona, le hopole, O sa na le rōna. Ntho e ’ngoe le e ’ngoe, ho phekola morero o mong le o mong oo liabolosi a ka o qalang, e teng *mona* hantle. Re na le eona, hantle *mona*. Bothata; empa Monghali o ka sekepeng. Ho lokile. Haeba ba kena mathateng, moo lingaka li sa khoneng ho phekola, hopola, O teng mona. Haeba re . . . Le se le bale. O ka sekepeng.

¹²³ Ba loketse ba be ba tsebile, barutuoa bana, hore E ne e le Messia. ’Me lentsoe *Messia* le bolela “Motlotsuoa.” Le a bona? Joale haeba . . . O ne a bolokile Molimo oohle ka ho Eena. Molimo o no o le ka ho Eena. O itse, “Ke . . .” Jesu, Mora, o itse, “Ha Ke etse letho ke Inotši haese seo Ke bonang Ntate a se etsa. Ntate o ahile ka ho ’Na.” Le a bona? Joale, haeba E ne e le Messia, ka seo, ka tlolo eo e Mo entse Messia ka botlalo, ’me rona ka Moea o le mong o nong o le holim’a Hae, e seng karolo e itseng empa boleng bo le bong, kabelo holim’a rona, e ka re etsa joalo ka bomessia, e tla ba bara ba banyenyane ba Molimo, bara ba hlomamisitsoeng ba Molimo. ’Me Moea o Halalelang oa Hae o re tiiselitse ’Meleng oa Hae, ’me re bana ba Hae.

¹²⁴ Ha ho letho le lokelang ho re khathatsa, ha ho letho ho re tšoenya. Re—re ba Hae. Haeba ho se joalo, be, re baqosi ba bohata, re—re ne re paka ntho e sa lokang. Ke a e lumela. Ke a lumela joale re bara ba Molimo, ha se hona re tla ba bona; joale, hona joale. “Me joale re lutse ’moho libakeng tsa Leholimo ka ho Kreste Jesu.” Amen.

¹²⁵ Ha re na matla, empa re na le bolaoli. Ha e hloke matla. Motho o itse, “U na le matla a letho?” Che, empa ke na le borena. Ke hantle.

¹²⁶ Nka lepolesanyana le emeng kantle mona. O apere junifomo. Katiba ea e mo feta ka boholo, e khohletse holima. Ha a na matla

a ho thibela letho. Empa e re a qatsohele mona, 'me koloi e theoaha seterateng, ka enjenere ea matla a liepere tse makholo a mararo, a phahamise letsoho leo. Shebang mariki ha a thella. Hobaneng? Ha a na matla, empa o na le bolaoli.

¹²⁷ 'Me ha monna kapa mosali a tlotsitsoe ka kolobetso ea Moea o Halalelang, A ka 'na a sitoa ho bala lebitso la hae ka litlhaku tse kaa-ka lekouchu, ka thuto, empa o—o—o fuoe bolaoli ke Molimo, hore ke mora oa Molimo. E re a nke borena ba hae, a eme a re, "Ema," 'me mabili a Satane a tla thella, 'me mariki a tla khiritsa. Ntho e 'ngoe e tla etsahala, hoba o filoe bolaoli ke Moea o Halalelang. "Ka Lebitso la Ka ba tla leleka matemona." Ke eona. Ehlile. Ha a tlameha ho apara—ho apara DD.D., kapa Ph.D. O tlameha ho tseba Jesu, le ho tseba seo a se filoeng. Ke eo o eme mono. E, monghali.

¹²⁸ Ba loketse ba be ba tsebile, ka ho sheba seo Monna enoa a se entseng, le ho Mo paka e le seo A neng a le sona, Messia. Hape, O tsebile lintho tsohle, 'me O tsebile bothata bona bo tla fihla. O tsebile lintho tsohle. Ehlile. "Ntate ha a etse letho A sa le bontše Mora." Ua bona? Ka hona O—O tsebile lintho tsohle. Ba loketse ba be ba tsebile hore O utloisisitse hore sefefe seo se a tla, ho lokile, le ho tseba hore e tla etsahala. E abiloee feela e le teko ea tumelo ea bona.

¹²⁹ 'Me mohlomong mathata ana a entsoe feela, mohlomong tsoseletso e felile, ho bona seo re tlang ho se etsa ka eona. Mohlomong maloetse a u teile. "Morero ona, e ne e se sebe sa motho mang, empa e le hore mesebetsi ea Molimo e tsebahatsoe." Re tseba joang ka lintho tsee, tse etsahetseng? Ha ho letho le etsahalang, le ka tloaelo feela, Molimo o sa tsebe. O a e tseba. O e tsebile, tšimolohong. 'Me lintho tsena li etsahala hobane ke teko ea tumelo.

¹³⁰ Petrose o itse, "Le se ke la lekanya e le ntho e tsotoang ha liteko li fihla holima lona, liteko tse tukang. Li molemo ho lona ho feta gauta. Li etselitsoe ho u paka." Oh, mollo oo oa mohloekisi, e tle e hlahe e le gauta e feletseng, mekenella eohle e qhibilisitsoe, ho se lumele hohle, boiphihlelo nakong eo, boo u bo tsebang! Seo bana ba Baheberu ba khonneng ho se paka, hoba ba fete mollong, "Molimo ke Mopholosi, mollong." Ba e tsebile.

Daniele o tsebile, kamora boiphihlelo ba lemena la litau.

¹³¹ Lasaro o tsebile, ka morao ho lebitla, hore E ne e le tsoho. Amen.

¹³² Hoba u fete litekong tsena le litlhahlobong, li khanya ho uena. Ka hona, sena se etselitsoe ho leka tumelo ea bona. Ekaba, bosiueng bona, ba bang mona ba tšoeroe ke maloetse, 'me ke teko ea tumelo, ho bona seo le tla se etsa ka eona.

¹³³ O ba paketse hoba E ne e le Mang. O kholisitse hoba E ne e le Mang. Joang? Ka Mantsoe ao A rerileng, le ka mesebetsi e latetseng Mantsoe. Ua bona? Netefatso! Molimo o ne a Mo

netefalitse. Hoba O itse ho bona, “Efela . . .” O itse, “Ha Ke sa etse mesebetsi ea Molimo, le se lumele ho 'Na. Haeba seo Molimo o boletseng Ke tla se etsa, haeba Ke sa se etse, le ka Nkahlola, haeba Ke sa se etse. Haeba Ke se Messia . . .” 'Me, O—O ne a tla rialo. “Haeba Ke se Messia . . . Haeba le sa lumele ho 'Na joalo ka Monna, ka ho ba Messia, hoba Ke eso kene likolong tsa lona, 'me ha le fumane moo nkileng ka rutoa, kapa moo ke fetileng likolong tsa lona tsa thutabomolimo, 'me ha le sa lumele hobane Ke Messia, be, le lumele mesebetsi, e paka seo Ke leng sona.”

¹³⁴ Oh, na ho ke ke ha babatseha, bosiueng bona, hola feela kereke e ka lumellana ka seo, hore Bibe e boletse seo Mokreste a tla se etsa le seo a tla ba sona. Oh, khili! Kamoo ke nahanang seo!

¹³⁵ Jesu o itse ho bona, “Batlisisang Mangolo, hoba ho 'Ona le nahana le na le Bophelo Bosafeleng. Athe ke 'Ona A Mpakang. A le bolella seo Ke leng sona.” Oh!

¹³⁶ Ha ke a tlameha ho ipolela ke le Methodise, Baptise, Presbeteriene, kapa eng feela. Bophelo boo u bo phelang, e—e Mantsoe a Molimo, ha u le karolo ea Lentsoe leo le phelang, u ka latola seo u leng sona joang? 'Me Lentsoe le ka ithiba joang ho thasisetsa seo u leng sona, haeba u le sona? Le a bona?

¹³⁷ Nku e—e ka koptjoa joang ho etsa boea? Ha e etse boea. Ha feela e le nku, e tla beha boea hobane ke nku.

¹³⁸ 'Me motho ha a tlameha ho fehla letho, haeba e le Mokreste. Ke eèna hobane o joalo. Eèna, ke seo a entsoeng ka sona. Ke Mokreste, ka tlhaho.

¹³⁹ Sefate sa apole ke sefate sa apole hobane ke sefate sa apole. Ua bona? Sefate sa perekisi ke sefate sa perekisi hobane ke sefate sa perekisi.

¹⁴⁰ 'Me Mokreste ke Mokreste hobane Krete o phela ka ho motho eo. 'Me ho etsa . . . *Mokreste* e bolela “joalo ka Krete,” e seng ho ba setho; empa, netefatso, Molimo o hlahisa ka uena seo Mokreste a leng sona. Ke uena ea suthang tseleng le ho lumella Molimo ho kena, ha u nahane letho. A mohopolo o neng o le ka ho Krete o be ka ho lona. Ke moo. Ke eo Mokreste oa sebele. Oh, khili!

“Batlisisang Mangolo,” O boletse. “Ke 'Ona a Mpakang.”

¹⁴¹ Ba loketse ba be ba tsebile hoba E ne e le Molimo o entseng meea le maqhubu. Le a bona? Molimo o bopile moea. E. Ke moea. Molimo o hlotse metsi, e, ke H₂O, O—O bopile seo. Empa, le a bona, seo e leng sona, liabolosi o kene moeng oo, 'me eaba liabolosi o fihla nthong e 'ngoe, a kena ho eona, 'me hoo ha hlahisa sefefe.

¹⁴² 'Me ho joalo le ka balumeli ka linako tse ling. Ba lahletse marapo, nqa ho se lumele, 'me Satane o tla ka setsokotsane, bona,

ho baka likhang, le likolokochano, le liqabang, le tsohle. Eo ke liabolosi ea kenang hara batho.

¹⁴³ Liabolosi o kena hara—e moea 'me a o pheule, ho hlhisa lefu; ho kena metsing, a o tsokotse. Le a bona? Molimo o e bopile, empa ba lumeletse liabolosi ho kena. Diabolosi o kene ho eona, “khosana ea matla a sebaka.” Hlokomela, o kene ka hare ho eona, 'me meea le maqhubu tsa fihla.

¹⁴⁴ Joale, barutuoa bao ba ka be ba itse, “Khele, ha ho phoso joale. Khele, hantle mono ho robetse 'Mopi, o robetse hantle mona. O sesisa le rona. Le a bona? Khele, shebang lintho tseo A li entseng feela. Be, re tsotella maqhubu ka eng.”

¹⁴⁵ Oh, hola re ka ikutloa joalo ka eona, e ka ba phapang hakakang. Ee.

¹⁴⁶ Molimo, 'Mopi oa maholimo le—le lefatše, Molimo 'Mopi oa meea le maqhubu, na ba ne ba sa tlameha ho mamela Lentsoe la Hae? Ntho feela eo A neng a loketse ho e etsa e le ho bua. Le a bona? Ke Lentsoe, empa Molimo o ne a loketse ho sebelisa motho ho phethisa, kapa ho pepesa litholoana tsa Hae.

¹⁴⁷ Molimo, tšimolohong, e ne e le Molimo feela. E ne e se le Molimo; *Molimo* ke “tlotla e rapeloang.” E ne e le Matla a maholo, Molimo. Eaba O bopa Mangeloi, 'me Mangeloi a Mo khumamela, ka hona E ne e le Molimo. Eaba O bopa motho.

¹⁴⁸ Joale, Ke Mopholosi. Kahoo, ha ho letho le lahlehileng; ntho e 'ngoe e ne e loketse ho lahleha, A tle a bonahatse semelo sa Hae joaloka Mopholosi. U lumela seo?

¹⁴⁹ E ne e le Mofolisi. Ka hona, ha ho letho le kulang; ka hona ntho e kulang e ne e loketse ho ba teng, ho pepesa tholoana ea Oona, ho supa hore O ne a le joalo.

¹⁵⁰ E ne e le Ntate, le a bona, 'me ntho e 'ngoe e ne e lokela ho ba teng, O ne a lokela ho ba le Mora, ho Mo etsa Ntate. Le a bona?

¹⁵¹ 'Me lintho tsena tsohle li bonahatsa limelo tsa Hae, ha ho letho le tsoileng tseleng. Le a bona? Ho na le. . . Molimo o hokela lebili ka nepo. Tsohle li lokile. 'Mopi, allelua, 'Mopi o ka sekepeng seo re sesisang ho sona.

¹⁵² “Leha liboko tsa letlalo li senya 'mele ona, empa ke tla bona Molimo ke le nameng ea ka, Eo ke tla 'mona ka bonna,” ho boletse Jobo. Ke hantle. Davida o itse, “E, le ha nka tsamaea khohlong ea moriti oa lefu, nke ke ka tšoha bobele ha bo le bong, hobane U na le 'na. Leha nka ala malao a ka lihleleng, O teng mono. Leha nka apara mapheo a meso ka fofa, O teng mono.” Ho sesa holim'a leoatle le tebileng la bophelo!

'Me maphelo 'ohle a banna ba baholo a re
hopotsa
Re ka phethisisa maphelo a rona,
Ka likarohano, ra siea

Mehlala (*tjena*) ea maoto mahlabatheng a nako;

Mehlala, eo mohlomong e mong,
 Ea sesisang tseleng e mahlonoko ea bophelo,
 Moena ea hlorehang ea sekepe se matamuke,
 Ka ho bona, a boele a kothale.

“Haeba Molimo a etselitse moena eo hoo, O tla nketsetsa hoo.”

A re tsoheng re etse mosebetsi, ke hona,
 Ka pelo khohlanong efe; (Ke seo nka . . .)
 Se tšoaneng le likhomo tse lithoto tse
 qhobjoang! (Li tlameha ho khannoa ho
 eng kapa eng.)

A re lumeleng, re be bahale ntoeng!

¹⁵³ *Pesalema Ea Bophelo*, Longfellow, *Pesalema Ea Bophelo*. Ke a e rata. E bua ho hong. E bonahatsa ho hong. E na le ntho ea sebele ka ho eona, moelelo o itseng. Ke rata ntho e nang le 'mala le moelelo. 'Mino, thothokiso, kapa eng, ke a e rata ha feela e le ea 'nete.

¹⁵⁴ Joale, ba loketse ba be ba tsebile hore O tla tlameha, ntho e 'ngoe le e 'ngoe e ne e loketse ho Mo mamela. Re tlameha ho tseba ntho e tšoanang. Mebele ea rōna e tla tlameha ho mamela Lentsoe la Hae. “Ke 'na Morena ea folisang maloetse a lona kaofela.” Na leo ke Lentsoe? Be, 'mele ona o tlameha ho mamela seo.

¹⁵⁵ Sohle seo ke tlamehang ho se etsa ke ho tobetsa konopo. Amen. Ka linako tse ling konopo e mangoleng, u a tseba. Empa, ke a u bolella, e fetisa mollo.

¹⁵⁶ Empa ke phetho seo u se etsang ke ho e lumela. Molimo o e tšepisitse. Joaloka ha maqhubu ao a ne a tšoanetse ho Mo mamela, le *sena* se tšoanetse ho mo mamela. Hakana, hoo A ho tšepisitseng, hoba re timele, “Ke tla mo tsosa hape, ka letsatsi la ho qetela.”

¹⁵⁷ Ke ne ke kama meriri ena e 'meli kapa e meraro, nakoana e fetileng mona. 'Me mohatsa ka a re ho 'na, ea lutseng morao mane, a re, “Billy, u phumuha lefatla.”

¹⁵⁸ Ka re, “Empa, u a tseba, moratuo, ha ke a lahleheloa le ke o le mong oa eona.”

A re, “Eng? Ha u eso lahleheloe ke o mong oa eona?”

Ka re, “Che.”

A re, “Ke a rapela mpoelle moo e leng teng.”

¹⁵⁹ Ka re, “Ke batla ho u botsa taba ke hona. Mpoelle moo e neng e le teng pele ke e fumana. Ke ntho e leng teng. 'Me hohle moo o neng o le teng pele ke o fumana, o hona mono o nkemetse ho fihla ho oona.” Hantle.

160 A re, “Ha ho le moriri o le mong oa hlooho tsa lona o tla timela.” Ha ho letho le tla timela. Na le a tseba le . . .

161 Ntho e senyang ka ho fetisisa eo re e fumanang ke mollo. Empa mollo ha o timetse. O tukisa liesiti feela le oksejene ho fihlela e khutlela hantle ho seo e neng e le sona pele. Molimo ha o senye letho. U ke ke ua timeletsa letho ka botlalo. Allelua! Hantle. U ke ke ua felisa letho. E tla khutlela qalong ea eona.

162 Ke hlahlale likhetla ka letsoho. Ke thunya .220 Swift, 'me ke se beha maotong a likete tse hlano ka motsotsoana molomong. 'Me ebe o ts'ela phofo e fetang halofo ea thollo ho sona, 'me o thunya leboteng mono, ha u bone letho. E ke ke ea rala letheba. Sohle seo u se utloang ke lerata. Ho etsahala'ng? Ha kulo eo e tsoa bareleng ka lebelo le kana ka koporo eo le loto, ho fihlela e khutlela morao asiting tsa eona tsa tlhaho, pele ho moo, lilemong tse limilione tse lekholo tse fetileng, mohlomong. Empa hola lefatše le ka ema halelele hakaalo, e ka boela ea fetoha kulo, hape. Le a bona, eona, ha ho letho le felisoang. Ea khutla. Oh, ke ntho e babatsehang hakaakang!

163 Ke le tšoarelletse nako e telele haholo. Ho lokile. Ke tla koala, nakoana feela. Le a bona?

164 Joale, Molimo o itse, “Ke tla e tsosa hape matsatsing a qetelo.” Ho babatseha hakakang!

165 Ba loketse ba be ba tsebile sena. Ba ka be ba tsebile hore O tla laela meae le maqhubu ho Mo mamela, hoba barutuo ba Hae ba iphumane ntlheng ea matla a bona.

166 Oho Molimo, re ke re etse joalo, bosiuang bona, ho fumana maiteko a motho a feletsoe.

167 Eitse ha ba iphumana, e tsoanetse e be e ile ea ba chabela hore 'Mopi o ne a ena le bona; hoba ngaka ea bona—ea bona e hlolehe, hoba tšebetso eohle ea saekholoji ea bona ea Krete e hlolehe, hoba lingaka li hlolehe, le ntho e 'ngoe le e 'ngoe.

168 Hopolang feela 'Mopi o na le rona. Le a bona? O teng mona, Eèna Ea tšepisitseng lintho tsena. Baheberu 13:8.

Eaba ho fihla mohopolo, “Ha re eeng, re tsose Jesu.”

169 Ke eona khato e latelang. Ke eona ntho ea rona. Ha re eeng, ho 'Miletsa temeng. O tšepisitse ho ba le rona. Na ha A joalo? “Bonang, Ke na le lona kamehla eohle, ho isa bofelong ba lefatše.” “Jesu Krete esale eèna maobane, kajeno, le kamehla.” E-eang, le tsose Jesu, hoba O na le rōna, joaloka ha A entse mohlang oo.

170 Ba ne ba bone Lentsoe le Mangolong la Molimo le tsebahatsoa, hore eo e ne e le Messia. Ba e tsebile. Le a bona? Le rona re entse joalo. Re bone eona ntho eo, e tllileng ka Letsatsi la Pentekosta, e thehela holim'a rōna hantle; motsoako o tšoanang, ho etsahala ntho e tšoanang. Re bone Jesu a ema hara rōna hantle, a sebetsa hara batho, a folisa bakuli, a tsoa bafu, le

ho tutubolla mahlo a foufetseng, le ho etsa eona mesebetsi eo A e entseng mohlang oo, hantle feela joaloka ha A tšepisitse. Kahoo ngongoreho ha ea lokela ho ba teng ka eona. Oa bona? Joale, ha re a lokela ho nahana ka hona.

¹⁷¹ Mosali o kile a mpoellela ha ke rera, ke tsoa tsoa ke hopotse sena, mofumahali o mpoletse, a re, “Moena Branham,” Ke phetile sena, hangata, empa se ka hloka ho boleloa hape, a re, “ke fumana phoso e le ’ngoe feela therong ea hau.”

¹⁷² Ka re, “Oh, banna, ke a leboha.” Ua bona? “Ntho e le ’ngoe feela?” Ka re, “Ke—ke hlile ke a leboha.”

¹⁷³ E le setho sa kereke e sa lumeleng hoba Jesu e ne e le Molimo. A sa lumele hoba O ne a le matla a ka holima hlaleho. Ba sa etse joalo. A sa lumele hore—hore E ne e le seo A neng a le sona, Messia. A re, “E ne e le Moporofeta. E ne e le Monna ea lokileng, empa E ke ke ea eba Mora oa Molimo ka letho. Hobane, Molimo o ne o ke ke oa ba le Mora. Molimo ke Moea.” Le a bona? O sitiloe ho utloisisa hoba Molimo o khurumelitse Maria, hoo ho hlahisitse tsoalo ea moroetsana. Le a bona? ’Me a re ho ’na, “U Mo etsa Mokhethoa, Mongh. Branham.”

Ka re, “Ke Mokhethoa.”

¹⁷⁴ A re, “Khele,” ho re, “hobaneng, E ne e ke ke ea eba Mokhethoa.” Ho re, “U itse u lumela BibeLe.”

Ka re, “Ke etsa joalo.”

¹⁷⁵ A re, “Ha nka u kholisa, ka BibeLe ea hao, hore E ke ke ea e-ba Mokhethoa, hore E ne e mpa e le Motho feela, Monna ea lokileng.” ’Me bao, be, haeba e mong oa bona a le teng ka mona, ha ke batle ho hlabehisa maikutlo a lona. Hobane, Krete o shoele. . . E ne e le Mahlale a Bokreste, le a bona. ’Me a re, “Joale, lipholiso tsa hao le lintho,” ho re, “Ke—ke lumela hoo, karoloana ka ’ngoe, empa,” a re, “u fetola Jesu Mokhethoa.”

¹⁷⁶ “Khele,” ka re, “Ke Mokhethoa kapa mothetsi e moholo ka ho fetisisa eo lefatše le kileng la mo fumana.” Le a bona? Ka re, “E ne e le Molimo kapa E ne e se letho.” Le a bona?

¹⁷⁷ ’Me a re, “Oh, khili, Mongh. Branham!” Ho re, “A ke ke a Halalela.”

Ka re, “Be, mphe Lengolo la hau.”

¹⁷⁸ A re, “Eitse ha A theohela lebitleng la Lazaro, ho Santa Johanne khaolong ea 11,” ho re, “BibeLe e itse O ile a theohela mono lebitleng la Lazaro.”

Ho re, “E, mofumahali. Ke tseba moo u balang teng.”

¹⁷⁹ A re, “Eaba BibeLe e re, “Tseleng ea Hae e theohelang mono, O ile a lla.””

Ka re, “Ke hantle.”

A re, “Be, A ka Halalela joang, a ntano lla?”

180 Ka re, “Be, ha u bone seo A neng a le sona. E ne e le Monna le Molimo ’moho.” Le a bona? Ka re, “E ne e le Monna ha A ntse a lla. Ke hantle. Empa ha A ema le lebitleng la monna eo e se e le matsatsi a mane a hlokaetse, a re, ‘Lazarus, tsoa.’ ’me monna ea neng a hlokaetse, matsatsi a mane, a tsoetsoa bophelong ’me a tsoa lebitleng, e ne e le ea fetisang motho.” Hantle.

181 Ka re, “Ruri, E ne e le Monna mohla A theohang thabeng bosiuung boo, a lapile, a sheba e—e sefateng sa feiga, ho fumana lijo. E ne e le Motho ha A ne a lapile. Empa ha A nka libasekeiti tse hlano le lihlapu tse peli, le ho fepa batho ba likete tse hlano, e ne e le ea fetisang motho.” Hantle. Ke ’nete.

182 ’Me ka re, “E ne e le monna mohla A robetseng motšeo ho sekepe seo, a khathetse, moo maqhubu a sa kang a tsoha. . . a bile a sa Mo tsose, eka aa Mo tsosa. E ne e le Monna. Ntle le pelaelo matemona a likete tse leshome a leoatle a hlapantse ho Mo qoelis bosiuung boo. Le a bona? Joale, E ne e le Monna ea robetseng mono, a khathetse. Empa hang ha a memeloa temeng, amen, A beha leoto la Hae holima moralo oa sekepe, a lelala a re, ‘Khotso,’ a sheba maqhubu a re, ‘Khutsa tu,’ ’me meea le maqhubu tsa Mo mamela. Amen. Eo e ne e le ea fetisang motho.” E, monghali.

183 E ne e le Monna sefapanong, mohla A neng a lla metsi. E ne e le monna ea llang, “Ke nyoriloe.” Empa hoseng ha Paseka, mohla A manolang litiiso tsa lefu, lihele, le lebitla, ’me a nyolohela holimo, O ne a fetisa Motho. E ne e le Molimo ka ho Monna. Ke hantle.

184 ’Me Eena eo o phela ka ho rona, bosiuung bona, joaloka Sepiriti sa Moea o Halalelang. E, monghali.

185 Kajeno batho ba re, “Nka lumela joang hore esale Eèna maobane, kajeno, le kamehla?” Hopolang, O tšepisitse, Bukeng ea—ea Baheberu, ho re, “E ne e le oa maobane, kajeno, le kamehla.”

186 O tšepisitse, hape, ka—ka Bukeng ea Santa Johanne, khaolong ea 14 ea Santa Johanne, ’me temana ea 12, O itse, “Ea lumelang ho ’Na, mesebetsi eo Ke e etsang o tla e etsa le eèna. Lintho tseo Ke li phelang, Ntate a li phelang ho ’Na, ’Na ke leng Mora oa Molimo; ha Ke u hlomamisa, Moea oa Ka o tla ba ka ho lona le ho etsa lintho tse tšoanang.” Ruri. Eo ke ntho ea tlhaho feela.

187 Hape, O itse, “Bonang, Ke na le lona ka mehla eohle, ho isa bofelong ba lefatše.” Mattheu 28, 28:22, kapa 28:20, ke eona. “Bonang, Ke na le lona kamehla eohle, ho isa bofelong ba lefatše. Ke na le lona. Ho se ho se hokae,” A boela a re, “’me lefatše ha le sa tla Mpona, empa lona le tla Mpona. Hoba Ke. . .” Ke leemeli e leng la motho. Le a bona? “Ke tla ba le lona, le ka ho lona, ho isa bofelong ba lefatše Mesebetsi eo Ke e etsang le tla e etsa le

lona.” Ke moo. U ne u tla e tseba joalo hantle. Oh, hape, “Nke ke ka le tlohela le ha e le ho le lahla.”

U re, “Ho ka ba joalo joang? E ka pakoa joang?”

¹⁸⁸ Johanne 14:12, le a bona, “Mesebetsi eo Ke e etsang le tla e etsa le lona.” Hona joale o emetse ho biletsoa temeng. O emetse hora ena hona joale, ho paka hantle seo ke se buileng ka Eëna, ho ba joalo hona joale. Haeba ho se joalo, joale *Sena* se fosahetse 'me ke paki ea bohata. O itokiselitse ho biletsoa temeng hona joale, ho etsa tsona tseo A li entseng.

¹⁸⁹ Kahoo sekepeng seo re sesang ho sona, ha re tsoseng Jesu bophelong ba rona. Mamelang. Ke buile khafetsa. Hola nka ema kalaneng mona ka le bolella hoba moea oa John Dillinger o ne o ahile ka ho 'na, khele, ke ne ke tla nka lithunya 'me ke be senokoane. Ehlile. Ha nka u bolella hore—hore—hore Shakespeare o phetse ka ho 'na, ke tla ba seroki. Haeba Shakespeare a phetse ka ho uena, khele, u—u tla tseba mokhoa ho . . . u ne u tla ba moqapi e moholo oa lithoko. Na ho joalo? Ehlile. U ka khona. Lithoko, o ne o tla qapa lithoko, hobane Shakespeare, e—e mongoli e moholo, o tla ba ka ho uena, 'me u tla ba Shakespeare. Na ho joalo? Ha Shakespeare a phela ka ho uena, na u ke ke oa ba Shakespeare? Ruri, u tla ba joalo.

¹⁹⁰ Efela Beethoven haa phela ka ho uena, na u ke ke oa ba moqapi oa lipina, moqapi e moholo, Beethoven? Ho re, “Beethoven o phela ka ho 'na.” Ke moo u tla etsa mesebetsi ea Beethoven. U tla ngola 'mino oa hae, ruri, haeba e phetse ka ho uena. Ruri u ne u tla etsa joalo, hobane moea oa hae o ne o phela ka ho uena.

¹⁹¹ Ka hona, haeba Krete a phela ka ho 'na, (Ah!) haeba Krete a phela ka ho 'na, mesebetsi ea Krete e tla etsoa ka 'na. Ruri. Haeba Beethoven a phela ka ho uena, mesebetsi ea Beethoven e tla tsebahatsoa. Haeba Krete a phetse ka ho uena, mesebetsi ea Krete e tla tsebahatsoa, hoba O a tšoana. “Ka ho tšoana,” A ke ke a fetoha. Le hopola seo ke se buileng? Ke Bosafeleng. A ke ke a fetoha. Esale Eëna maobane, kajeno, le kamehla.

¹⁹² Oh, ka hona, ho Mo biletsa temeng. Na u tšaba ho etsa hoo? Na banna ba hora ena, banna ba letsatsi lena, ba tšaba ho biletsa Jesu temeng, ho re, “Morena, U e tšepisitse. Joale e etse”? Oh, khili.

[Khaitsetli o qotsa Pesalema 103: 1-9, 11—Mohl.] Amen. Pesalema.

¹⁹³ Jehova o moholo! Oh, Jehova o matla! Bosafeleng ke Jehova. O tsoa bosafeleng ho isa bosafeleng. Ke Molimo. Mohau oa Hae o tiisetse likete tsa meloko, o holima ba Mo ts'abang.

¹⁹⁴ Na le tšaba ho tsosa Jesu eo bophelong ba lona, eo esale a khalehile nakoana? Na le tšaba ho tsosa ntho eo, lilemong tse 'maloa tse fetileng, e theohetseng holima lona 'me ea le tlatsa ka

mahlohonolo a Hae? Na u tšaba ho Mo tsosa, le ho re, “Morena Jesu, ke tsietsing, bosiuung bona. Tsoela temeng ho nkemela. Ka ho sesisa maoatle, ke teiloe ka maloetse. Ke mahlomoleng. Nthuse, oho Morena Molimo. Nthuse?” Na u tšaba ho Mo biletsa temeng? Che.

¹⁹⁵ Ha u 'Miletsa temeng, joaloka barutuo a bao, pelaelo eohle e lula setulong sa eona, e a lula. Tumelo e a phahama. Lipelaelo ha li sa le teng. Tumelo e nkile sebaka.

Ho ngoliloe Bibeleng, ho thoe, Baheberu 13:8, ho itsoe, “Jesu Kreste e sale eèna maobane, kajeno, le kamehla.” E ngoliloe, joale e ke e etsoe.

¹⁹⁶ E ngoliloe ho Santa Johanne 14:12, joalokaha ke sa tsoa bolela mona, “Ea lumelang ho 'Na, mesebetsi eo Ke e etsang o tla e etsa le eèna.” Na ho joalo? Empa e ngoliloe, joale e ke e etsoe. Ua bona? Molimo o e tšepisitse. Molimo o itsalo.

¹⁹⁷ Ho ngoliloe, Mattheu 28:20, “Bonang, ke na le lōna kamehla, ho isa bofelong ba lefatše.” Le a bona? “Ho se ho se hokae 'me lefatše ha le sa tla Mpona, empa lona le tla Mpona; hoba Ke tla ba le lona, le ka ho lona, ho isa bofelong ba mongoaha.” Ho ngoliloe, “Lona le tla Mpona.” E ngoliloe, joale e ke e etsoe. U lumela seo?

¹⁹⁸ Ke le tšoareletse nako. Ke mashome a mararo ka morao ho robong. 'Me ke a tseba ekaba le ile lapeng la ea robala nakong ena. Beang butle motsotso feela. Lintho tsena, ke tšoere lintlha tse ka bang leshome le metso e 'meli hape mono, empa nke ke ka ea ho eona.

¹⁹⁹ Shebang. Na lintho tsee ke 'nete? [Phutheho e re, “Amen.”—Mohl.] Haeba e se 'nete, re etsa'ng mona? Re ipolela eng, ntho e itseng, hoo re fetohang baikaketsi? Re itlaleha eng, ho lefatše, lintho tse—tse seng joalo esitile? Khele, re fumanoa re le lipaki tsa bohata, 'me ha re a tlameha le ho lumelloa ho phela. “Joale efela tsoho ea bafu ha e le sieo, 'me Kreste a sa tsoha bafung, joale ejang, le noe, 'me le nyakalle.” Bohle le tsoele kantle le phele joaloka mafilo a litšila, le likolobe, le a bona, haeba tsoho e le sieo. Haeba Kreste a sa tle, haeba mono. . . haeba—haeba A le sieo mona, 'me Mantsoe a Hae e se 'nete, haeba ntlha e le 'ngoe feela e fosahetse, ke sitoa ho tšepa letho la Eona. Tsohle li tlameha ho ngoloa, eohle e tlameha ho loka.

²⁰⁰ Ena ke hora, moo Jesu a itseng, “Joaloka matsatsing a Sodoma, ho tla ba joalo ho tleng ha Mora motho.” Shebang—shebang Sodoma, nakoana feela ho koaleng, Sodoma, pele, lefatše le chesoa, lefatše la Balichaba la chesoa. Joale, khetlong lena, le tla chesoa hape. Le a bona? Haesale metsi hape; mollo, khetlong lena. “Joaloka matsatsing a Sodoma.” Joale, shebang e—e maemo a lefatše kajeno, joaloka Sodoma, ho apara ka ho tšoana feela, ntho e 'ngoe le e 'ngoe. Ke a le bolella. Ke lihleng. 'Me le shebe lefatše, le lukela har'a sebe.

201 Shebang, esita, e kene kerekeng. 'Me Mokreste oa mehleng, ha re ba bone, le ka mohla, ho hang. 'Me basali ba rōna—ba rōna, bohle ba kuta moriri oa bona, ba tlola meikapo, ba apara lishotso, le—le tsohle, ka boitsoaro bo bobefeela, 'me le sa tsebe hoba Letsatsing leo le tla botsoa ho arabela bohloa. "Ea shebang mosali ho mo lakatsa o se a mo febile." U ka hloeka, oa hlekeha, ka mokhoa oo. Empa kamoo u sebelitseng, 'me baetsalibe ba u sheba, ka tsela e phoso. U ipepesitse, joale u molato. U molato. Jesu o boletse joalo. Shebang esita le basali ba rona ba Pentekosta.

202 'Me le shebe bareri ba rōna, bongata ba bona ba nyahame, ba tšaba ho bua letho khahlano le eona, ba tšaba hoba mokhatlo oa bolumeli o tla ba ntša.

203 Nka mpa ka paqama ka mpa, ka noa metsi a molatsoana ka ja libasekeiti tsa soda, le ho rera Lentsoe leo le ho bolela 'Nete, e, monghali, sebakeng sa ho ba setho sa ntho e 'ngoe le e 'ngoe e leng teng. E, monghali.

204 Oh, re hloka botšephehi bo tebileng. Re hloka ntho e 'ngoe ho khutla. Ha re hloke lipontšo tse ngata hakaana. Re hloka Moea o Halalelang o phelang hara rona, moo batho ba ka reng, "Ke mang ea ka nqosang ka sebe?" Sebe ke ho se dumele.

205 Haeba Mangolo a boletse Jesu a tla etsa hore-le-hore, A re, "Ke mang oa lona ea ka Nqosang, kapa ho Nkahlola ka sebe?"

206 Joale, sebe se seng feela, ke ho se lumele. Sona, ke tumelo kapa ho se lumele. "Ea sa lumeleng o se a ahlotsoe." U ka tsuba, ua noa, ua etsa lintho tse na hobane u sa lumele. Empa ha u lumela, u tla etsa ka mokhoa o mong. Le a bona? Ke hobane tumelo kapa ho se lumele li ahile ka ho uena.

207 Joale, shebang. Lulang le khutsitse motsotso feela. Joale, polelo e kholo ea tonana ke ena. Ke shebile holim'a letšoele lena, pele. Ke ntse ke qamaka.

208 'Me ke—ke—ke tseba motho a le mong eo nka 'monang kantle mane, eo ke—ke sa tsebang hore ke a mo tseba. Ke monna eo—eo ke mo emisitseng tsatsi le leng, ke ne ke sa tsebe. Bese e ne e leka ho thinyetsa letsohong le letšehali, 'me batho thinya, ka nahana, "Thaka leo le leka ho potela, ho le letšehali," 'me ka ema, ka mo qhoaea. 'Me ho na le moqhobi oa bese ea lutseng mona. 'Me hoo ke. . . le mona. Ke kopane le eena koana Furr's restaurant kajeno, kapa cafeteria, 'me a mpoella hoba e ne e le monna eo. O tlalehile mosali oa hae a folisitsoe ho e 'ngoe ea likopano nqa e 'ngoe a jeoa ke phieo, liphio tse leketlang kapa ho hong, 'me a hoeletsa, kopanong. Le a bona? Ha ke eso. . . Molimo Leholimong o a tseba ha ke eso bone mosali eo bopheleng ba ka. Ha ke eso 'mone le ka mohla. 'Me monna ke enoa. Ke a kholoa, mohatsa'e, ke kholoa a le teng mona nqa e 'ngoe, e tla ba bopaki. Le a bona? Le lintho, e tsoelapele joalo le joalo. Le a bona?

'Me ha ke bone motho eo ke mo tsebang ruri.

209 Empa, hopolang, Molimo o tseba e mong le e mong oa lona. O tseba se ka pelong ea hau. 'Me haeba E le Lentsoe . . . U a lumela hore Ke Lentsoe? Bibe e boletse, "Lentsoe la Molimo le matla, le bohale ho feta sabole e leolitsoeng ka nqa tse peli, Mosenoli oa mehopolo ea pelō." Na ho joalo? Ke ka hona Jesu a neng a ka ema le ho lemoha mehopolo ea bona, le ho ba bolella seo ba se entseng. Le a bona? Ke hantle.

210 Mosali o amile seaparo sa Hae. 'Me A retoloha, ho re, "Ke mang ea Nkamileng?" O ne a sa tsebe nakong eo. 'Me bohle ba e latola.

211 Empa A qamaka, ho fihlela A fumane moo molemo o ileng teng. A o bona holima mosali e monyenyanane. 'Me A 'molella ka phallo ea hae ea mali, le ho re, "Tumelo ea hao e u pholositse." "Tumelo ea hao." O ne a hutse ho Molimo, a hutse ho Molimo, ka Eèna. Lebaka leo molemo o tsoileng, matla. Tumelo ea hae e ne e amme Molimo, ka Eèna. Ua bona?

212 Joale, "Mesebetsi eo Ke e etsang le tla e etsa le lona." Le bona seo ke se bolelang?

213 Motho o itse, "Oh, re etsa mesebetsi e meholo." Be, etsa mesebetsi feela, pele, u a bona. 'Me u etse mesebetsi feela. Ua bona?

214 U re, "Re bolela Evangeli lefatše ka bophara. E kholo." U ntse u leka ho ipata ka mora ho hong, mothaka. Le a bona?

215 "Mesebetsi eo Ke e etsang, hape . . . Mesebetsi eo Ke e etsang, le tla e etsa le lona; le e mengata ho ena, hoba Ke ea ho Ntate." Le a bona?

216 Shebang mosali selibeng, le joalo-joalo. Ba tsebile joalo hore E ne e le Messia. Ha A ka fihla bosiueng bona, motseng, le ne le tla tseba joang hore e ne e le Eèna? Le a bona? Mehoabali ea lithakhisa, moikaketsi ofe feela a ka etsa hoo, a taka mehoabali ea lithakhisa letsohong la hae, le a bona, ntho efe feela. Che, monghali. Mokhoa o le mong ho e tseba, ke boitsebiso ba Moea, le a bona, ho etsa mesebetsi eo A boletseng E tla e etsa. Joale, ke lumela hore . . .

217 Hobaneng ke khema le sehlopha sena sa batho ba Pentekosta? Ha ke setho sa mekhatlo efe ea bona, hobane ke ema sekheong feela 'me ke re, "Re baena," kaofela ha eona. Ua bona? Hobane ke lumela hore ba tšoere ntho e haufi le eo ke nahanang hore Bibe e eona, hara mang eo ke mo tsebang. Le a bona? Ke lona—ke lona lebaka leo ke e etsang. Ha nke ke ingolisa, hoba ke ba bona mahlakore bobeli, baena ba nang le Moea o Halalelang. Ke lumela seo. Ke a tseba hore ke 'nete. Ua bona? 'Me ka hona ha ke rate ho haha holim'a *sena*, kapa ho haha holim'a *sane*, kapa ho tlosa ho *sena* le *sane*. Ke ema feela 'me ke re, "Re baena." Lebala ka *seo* feela. Ha re beng baena, u a bona. Ha re beng baena feela. 'Me ha feela Satane a re qabanya, khele, ha a tlamoha ho loana ho hang. Empa ha feela re lebala

ntoa eo, 'me re kopanya matsoho le lipelo, 'me re re, "Re baena," rea raoha, masole a Bakreste, ke hona, tsoseletso e khōlō eo. Ha ho lekhotla la bolumeli le tla ama seo. Che, monghali. Ke khetho ea Molimo eo, Bakhethoa ba bitsitsoeng. Joale, haeba letsatsi . . .

218 Hopolang feela, pontšo ea ho qetela e entsoeng, pele Sodoma e chesoa, e ne e le Molimo o bonahatsoang 'meleng oa motho. Na ho joalo? [Phutheho e re, "Amen."—Mohl.] Ke a e botsa. Mangeloi a mararō a tllile ho Abrahamama.

219 'Me Mangeloi a mabeli a theohela Sodoma, ho tumisa temoso. E ne e lebisitsoe ho kereke e fofa, ea mokhatlo oa bolumeli, Billy Graham oa sejoale-joale, le joalo-joalo.

220 Empa Abrahamama o bapisitse, joaloka letsatsing leo, Kereke e khethiloeng e neng e se tlase Sodoma. E kantle ho Sodoma, mapentekosta a sebele a tsoetsoeng labobeli le bohle ba tsoetsoeng ke Moea. Joale hlokomelang Ea ileng a sala morao 'me a bua le Abrahamama. A re . . .

221 Joale hopolang, lebitso la hae e ne e le Abram, matsatsi a 'maloa pele ho moo, 'me Sarah e le S-a-r-r-a. 'Me o ne a fetoletsoe ho Abraham, le ho S-a-r-r-a-h, Sarah. Le a bona? A-b-r-a-h-a-m, *Abraham*, "ntata lichaba." Le a bona?

222 'Me na ha ho makatse, hore, banna bohle ba baholo ba kileng ba ea kerekeng ea Sodoma, lefatšeng kajeno, banna bohle ba baholo ba kileng ba tsoela mono, ho hlahile Billy Sunday, Sankey, Finney, Knox, Calvin, Luther, le ba joalo, ha ho le a mong oa bona ea qetellang ka h-a-m, ho fihlela kajeno, G-r-a-h-a-m. Ha ho ea mong, nako efe. Ke litlhaku tse tšeletseng. Athe, Abraham ke A-b-r-a-h-a-m, supa, phetheho. Ua bona? Empa hlokomelang. Lengeloi le tllileng ho Abrahamama, la re ho eēna, "Abraham," e seng Abram. "Abraham, mosali oa hao o kae," e seng Sarra, empa, "Sarah."

'Me Bibe e itse, "O ka tenteng ka mora Hau."

223 'Me A re, "Ke . . ." Ke moo, lereo la motho hape. "Ke tla u etela, Abraham," ho latela tšepiso eo A e entseng.

224 E ne e le mang? Liaparo tsa Hae li tletse lerōle. A ja namane, a noa lebeso le khomo, a ja sereleli, bohobe. A lutse mono, A etsa mokana a le lerōle 'me a khathetse. A . . . A hlatsoa maoto a Hae, Monna, a shebahala joalo. 'Me A re, "Sarah o kae?"

Ho re, "O ka tenteng, ka morao."

"Ke tla u etela, ho ea ka . . ."

225 'Me o ne a le joalo, seo le se bitsang, a mametse ka sephiri, a mametse le tenteng. Ha a tsoa a matha joaloka basali kajeno, le a tseba, le ho tlameha, le a tseba. Empa, o—o ne a mametse ka tenteng, seo monna oa hae a neng a se bua. Mehlang ena, tšali o bua seo tona a sa tlamehang ho se bua. Eaba o mamela joalo, le

tenteng. 'Me eitse ha a utloa . . . E seng lona likhaitseli, che, che; le tseba hantle ho feta moo. Le a bona? Empa, be, o ne a mametse.

226 'Me a—a tšeha, a keketeha, a re, “Na, mosalimoholo, ea lilemo li lekholo, le moren'a ka, le eèna o tsofetse, 'me na re ka boela ra thaba hape?” Le a bona, joaloka monna le mosali, ba ne ba khaolitse, lilemo le lilemo pele. “Na nka boela ka thaba le monna oa ka, ra boela ra thaba 'moho?” 'Me a tšeha.

227 'Me Lengeloi, ka oa Lona . . . Monna, mokokotlo oa Hae o furaletse tente, ha thoe, “Hobane'ng Sara a tšehile?”

'Me a re, a matha a tsoa a ipolela, “Ha ke a rialo.”

“Empa u e entse.” Le a bona?

228 Joale, Molimo a ka be a tlositse bophelo ba hae hantle mono, empa A ke ke a mo ntša kotsi, hoba ke karolo ea Abrahama. Oh, re ka be re iketse khale koana, hola e ne e se karolo ea Kreste. Lintho tshole tseo A li entseng, 'me re tlohile ra potoloha ra re, “Ke ho bala mohopolo. Ke *sena*, *sane*, kapa se *seng*.” Empa A ke ke a u ama. Le a bona? Khalefo e ke ke ea u ama, hobane u karolo ea Kreste ha u tsoaloe labobeli. Le a bona? Le a bona? O ne a ka sitoa, hoba e ne e ka khopisa Abrahama. Tšepiso ea Hae e ne e etselitsoe Abrahama, 'me Sarah ke karolo ea Abrahama. 'Me Kereke ke karolo ea Kreste, Monyaluoa. Ua bona? A ke ke a e etsa, koana holim'a ho se lumele ha hae.

A re, “Empa u e entse.”

229 Bible e re o ne a tšohile. Ekaba o tšabile hobane o tla lahlehela ke botho ba hae ba mokhatlo kapa ho hong, empa eèna, le a bona, joaloka kajeno, empa—empa o ne a tšohile.

230 'Me, lemohang, eèna Monna eo o file Abrahama mahlohonolo. 'Me tšepiso, hore, haeba a ka fumana meea e leshome e lokileng, A ke ke a e senya, le ho nyamela pel'a hae.

231 'Me Abrahama a mo bitsa *Elohim*, “Ea Bokhoni Bohle.” Joale nkang Bible tsa lona le shebe. Haeba . . . “Tšimolohong Molimo . . .” Bonang haeba e se “Elohim.” 'Me mona Abrahama, ea buileng le Eèna, o bitsitse ponahatso ena Monna mona, pejana feela Sodoma e chesoa, ea neng a ka lemoha mehopoloe e kelellong, ha thoe e ne e le “Elohim.”

232 'Me Jesu o itse, “Joaloka matsatsing a Sodoma, ho tla ba joalo.” Joale shebang ke mang ea ileng kerekeng, phutheho ea bolumeli. Shebang seo Molimo a se etsang hara Bakhethoa. Feela ke eo pontšo ea ho qetela eo Abrahama a kileng a e amohela, e—e Kereke e bitsitsoeng, e amohetseng pele Sodoma e chesoa. Re matsatsing a ho qetela.

233 Metsoalle, tsosang Jesu. “Morena, U entse tšepiso.” Se tšabe. E re, “Morena Molimo, ke tsoa ka sebeti. Ke a iphaphamisa, ka mona. Tsoha, Morena, nqa sello sa ka. Ke a hloka. Nkhauhele. Ke sitiloe ho lumela, 'me u ntšoarele hona. Ntumelle, ho tloha joale . . . Ke batla ho U biletsa temeng, molemong oa ka.”

²³⁴ Biblele e itse, “Ke Moprasta e Moholo ea ka angoang ke maikutlo a mahlomola a rōna.” Na ho joalo? Testamente e Ncha, Baheberu 1, Baheberu 3, Moprasta e Moholo. “Joale O lutse letsohong le letona la Molimo, Moprasta e Moholo ea ka angoang.” ’Me haeba E le oa maobane, kajeno, le kamehla, u ka tseba joang hore u Mo amile? O ne a tla sebetsa joaloka ha A entse maobane. Hoo ho ne ho tla Mo etsa kajeno. Na ho joalo? [“Amen.”]

²³⁵ [Sekheo lebanteng—Mohl.] . . . ho kena mebeleng e kulang mona bosiuang bona. Morena, Uena u Molimo, ’me ha ho ea tšoanang le Uena. Ntho feela eo re lokelang ho e etsa ke ho phaphama, ho itsukutla, ho biletša Jesu temeng. ’Me, Ntate, ha U fihla temeng, bolela hore esale Uena maobane, kajeno, le kamehla, le ho re tsebisa bosiuang bona hore U sa le ka sekepeng. U sa le teng mona. U itse, “Nke ke ka u tlohela. Nke ke ka u lahla.”

²³⁶ ’Me ho ke ho tsejoe bosiuang bona, Morena, hore ke boletse ’Nete. Ho sa tsoetelehe nka bua mantsoe a makae, ho sa ntse ho sa tlo tšoana le ha U bua ntho e le ’ngoe. Lentsoe le le leng feela le tsoang ho Uena le tla bolela ho fetisa ntho efe eo motho a ka e buang. Re batla Uena, Ntate. Fihla temeng ho lekaneng feela hore batho bana mona ba bone hore U ka sekepeng, ’me ke lumela hobane moetsalibe e mong le e mong o tla baka. Ke lumela mokhelohi e mong le e mong a potlakela aletareng. Ke lumela mokuli e mong le e mong a tla fola. Na U ke ke ua aba sena, Morena?

²³⁷ Re bitsa ho Uena. Tloo, Jesu. Ba bang ba tla timela, Morena. Ba bang ba tla shoa lefu la Bosafeleng, karohano le Molimo, haeba U sa fihle temeng. Re a timela, Morena. Ba bang ba bona ba lebetse mehlolo ea Hao e meholo e folisang. Oho Molimo, nka khato temeng. Re bitsa ho Uena. Tloo tsose letsoalo la rōna, Morena, le Moea oa Kreste o ahileng ka ho rōna. Re rapela ka Lebitso la Jesu Kreste.

²³⁸ Joale ka lihlooho tsa rōna tse inamisitsoeng, ere seletsi sa piano se tla pianong, kae moo e leng teng. ’Me re kopa hlompho. ’Me joale ha re apareng tšabo kamoo re tsebang, nakoana. *Lumela Feela*, ka kōpo, khaitseli, butle.

²³⁹ Joale, e mong le e mong oa lōna a rapele. Joale, le rapele. Ke batla ho tseba ba sa tšoarang setlankana sa thapelo ba bakae ka mona, ’me u a kula ’me u batla Molimo a u ame, na u ka phahamisa matsoho a hau. Ho lokile. Ho lokile. Joale, ba tšoereng litlankana tsa thapelo ba bakae? Phahamisa letsoho la hao. Be, ba sa tšoarang litlankana tsa thapelo ba menahane habeli ho feta ba tšoereng litlankana tsa thapelo. Ho sa tsoetelehe u tšoere kapa che, hoo ha ho bolele letho.

²⁴⁰ Hoo ho bolela hoba u biletsoa holimo mona. Ke ne ke tilo lata balisa, ho theoha, re tla le beha matsoho le ho le rapella.

Joale, hoo—hoo ke botle. Ua bona? Hoo ho hlile ho hotle. Empa mamelang. U a tseba, peho ea matsoho, ke lumela seo. Ke hantle feela. E, monghali, ho ikhomahanya le sehlabele. Ke lumela seo. Empa, sheba, Moroma khetlo le leng. . . Oo ke moetlo oa Bajuda. Jariuse a re, “Tloo, beha morali oa ka matsoho a Hao o tla phela.”

²⁴¹ Empa Moroma o itse, “Ha ke na tokelo ea hore U kene tlasa marulelo a ka. Bua lentsoe feela, mohlanka oa ka o tla phela.” Joale, haeba E le oa maobane, kajeno, le kamehla. . .

²⁴² 'Me ha ke u tsebe. Molimo Leholimōng o a tseba ha ke bone motho haese moqhoobi enoa oa bese mona, eo ke mo tsebang, nakong eo. Ke a tseba ke na le batho ba 'maloa. . . Moena Sothmann le bao ba teng ka mona. Mosali oa ka o teng ka mona kae-kae, empa ha ke—ha ke mo bone nakong ena. Ha ke—ke khone. 'Me ha ke bone Moena Sothmann. Empa ha ba eo mona. . . Ba teng mona, ke rialo, empa ha ke tsebe hokae.

²⁴³ Joale ke batla le rapele. Ho rapela ka botšephehi feela, ho re, “Morena, nthuse.” 'Me ha u rapela, rapela thapelo ea tumelo, rapela Molimo ho u fa kopo ea hao. Le ho re, “Morena, kea tseba monna eo ha a ntsebe, empa ha U ka mpakela feela hore U ka sekepeng, hore U teng ka tlung ena bosiueng bona. Hape, ke a tseba Moena Branham ha a ntsebe, ha a tsebe letho ka 'na. Empa a mpoletse, bosiueng bona feela, hore U a tšoana, U Messia ea tšoanang, le ho tšepisa hore haeba a ka U lumela, hore U tla etsa mesebetsi e tšoanang ka eena eo—eo U e entseng ka Messia, hoba Moea oa Hae o tla ba le rona. Joale haeba ke tseba, ho ka pakoa hoba U teng mona, ke phetho seo ke tlamehang ho se tseba. Ke tla e lumela, ka pelo ea ka eohle.” Na u tla etsa joalo? 'Me haeba A ka hata temeng le ho etsa ntho e kang eo A e entseng mohlang oo, le tla tseba hoba ke mesebetsi eo A e entseng.

²⁴⁴ Shebang seo A se entseng mohla A bonang Petrose, Nathanaele, mosali selibeng, Bartimea oa sefofu, bao ba Mo amileng, mosali ea nang le phallo ea mali. Le a bona? Ba tsebile joalo hoba E ne e le Lentsoe, hoba O ne a khona ho senola mehopollo ea bona. O tšepisitse, pontšong ea ho qetela, pele ho chesoa lefatše, hoo ho tla khutla hape, pontšo ea ho qetela ho Kereke. Ke rona bana. Ho na le molaetsa o eang ho phutheho ea bolumeli kante mono. Ke ona Molaetsa o eang ho Kereke, mapentekosta, Bakhethoa, ba hutsoeng. Joale lumela.

²⁴⁵ Joale, Ntate ea Maholimong, ba matsohong a Hau. Ke matsohong a Hau. Ke inehela ho Uena, ke ba laeletsa ho Uena, hore mesebetsi ea Molimo e tle e tsebjoe, hore molaetsa o monyenyanane ona o khabetsoeng bosiueng bona o bonahatsoe ho batho bana ba Tucson, tlase mona mokhubung oa lehoata lena. Ntate Molimo, kahare ho kerekana ena e ratehang, ka molisa oa Hau e monyenyanane ea ratehang mona, Morena, kereke ena e tla lula e phela ka litholoana tsa Lentsoe la Molimo, e le ba tle ba tsebe hore Jesu o ntse a le ka sekepeng. Hoo, kahobane tsoseletso

e sa tsoelle, hoo ha ho bolele hore O tsamaile. O na le rona hantle, o laotsoe ho bitsoa nako efe, ha ho thata ho mo tsosa, empa o tla tla ho re pholosa.

²⁴⁶ Ke a U kopa, Morena, batho ba tle ba tsebe hore U Molimo, 'me esale Uena maobane, kajeno, le kamehla. Ke inehela ho Uena, le kereke, hoo, lipakeng tsa rōna, lipakeng tsa tumelo ea bona le neo eo U mphileng eona, tumelo ea bona e tle e sebelise neo ena ea Molimo, e neng e ka bitsa hara letšoele lena, hoo, batho bana ba sa tsebjoeng, le ho etsa joaloka ha U entse mohla mosali a amang seaparo sa Hao.

²⁴⁷ U Moprsta oa rōna e Moholo, Morena. Batho bana ba ame seaparo sa Hau, 'me U romele molaetsa oa Hau ho bona, joalokaha U entse ka Jesu Krete, Mora oa Hau. Joaloka rona, bahlanka ba Hae ba nyopileng, re halalelitsoe ka Mali a Hae a bohlokoa, ho etsa hore mesebetsi ea Molimo e tsebjoie ke lefatše le shoang matsatsing a ho qetela. 'Me re tla U rorisa ka hona, Ntate.

²⁴⁸ Joale ha re khutlela hae bosiueng bona, tseleng, re tla bua joaloka ba tsoang Emmause, ka mora hoba A shoe, a tsohe, 'me A etsa ntho e kang eo A e entseng pele A thakhisoa. Ba tsebile e ne e le Eèna. Ha ho monna ea neng a ka khona. 'Me etsa hoo hape bosiueng bona, Morena. Etsa kamoo U tšepisitseng. Ke tšepiso ea Hau. "Mesebetsi eo Ke e etsang o tla e etsa le eèna. Ke tla ba le eèna, le ka ho eèna, ho isa bofelong, ba lefatše." E tla e tiisa, Morena. 'Me re tla re lipelo tsa rona li chese ka hare ho rona. Re kopa Lebitsong la Jesu. Amen.

²⁴⁹ Joale, ka Lebiso la Morena Jesu, ke le kopa ho lula ka khutso, ka hlomphe, le lumela.

²⁵⁰ Joale, ha ke sheba letšoele, ka Lentsoe lena la Molimo pel'a ka, ke re motho feela eo ke hlileng ke mo tsebang ke moena enoa ea ka *mona*. 'Me joale ke bona mohatsa ka morao, le morao mane. Empa ha re qaleng ka pele mona.

²⁵¹ Joale u rapele 'me u re, "Morena Jesu, ke utloile lithero tse ngata. Ke utloile mesebetsi e tsoileng-matsoho ea lithero. Empa ke batla ho U bona, joalokaha Bagerike ba boletse, 'Monghali, re tla bona Jesu.'" Ba ne ba sa batle ho tseba filosofi. Ba ne ba batla ho 'Mona, ho Mo tseba, le letho haese Eèna. 'Me Ke Lentsoe, le a bona, ho Mo tseba ka sego. Ho re, "Ke tšoana le mosali ea tšeroeng ke phallo ea mali. Ke na le tlhoko. Na U ka Iponahatsa bosiueng bona ua bua le 'na? U Moprsta e Moholo. Nke ke ka tseba lentsoe la Hau, mohlomong, haeba U buile. Empa ha U bua ka melomo ea motho, joaloka ha U boletse."

²⁵² Molimo ha o etse letho kantle ho moemeli oa motho. Ke ba bakae . . . Le tseba seo. Le a bona? O—O tlameha ho sebelisa motho. Joale le tla . . . Ha A ka etsa hoo, 'me a paka hore O teng mona le rona, na u tla amohela pholiso ea hao? Phahamisa

letsoho la hao, ho re, “Ke tla etsa. Ha nka ’Mona a etsa hoo, ke tla e amohela.” Molimo a u hlohonolofatse. Joale rapelang.

253 ’Me joale haeba A etsa ntho e mohlolo, u se belaele. Lumela feela. Le ka ntalima, la etsa seo le se batlang, ha feela le lumela hobane O teng. Na le lumela seo, ka neo e Khethehileng, e tsoang ho Molimo, e bonahalitsoeng ke Lengeloi? ’Me ke eme mona, bareri bana ba mpotileng, hantle kantle mona. Ha ho letho. . . Ho joalo, moena? Bohle re lutse mona. Ke moo.

254 Ha ke u tsebe. Molimo o tseba seo. Ha ke tsebe letho ka uena, empa O a tseba. Joale, ka Motho ea sa bonoeng, Moea o Halalelang, O ka tsebahatsang feela ka ponahatso ea Hae, a ka u senolela hantle seo A boletseng Lentsoe le tla se etsa. Ha Lentsoe le behoa nameng, Ke Mosenoli oa mehopollo ea pelo. Na ho joalo? Ke ka hona A neng a ka e etsa. U lumele joale. Eba le tumelo. Se belaele. Eba le tumelo feela.

255 Nako e monate! Ke hopola ena e le nako e babatsehlang ka ho fetisisa bophelong ba ka, ha nka ema ka pel’a letsoele la batho ’me ke ba tsebisa hoba borapeli ba bona hase lefeela. Borapeli bo bong le bo bong lefatšeng ke ba bohata, haese Bokreste. Borapeli bo bong le bo bong lefatšeng bo fosahetse, kantle ho Bokreste. Bokreste ke bona feela bo ka u supisang lebitla le feela, le ho bula pelo le ho re, “O ahile mona,” le ho e paka. Joale, ke sena seo A se tšepisitseng. Na O tla boloka tšepiso ea Hae? Ke eona. Na O boloka tšepiso ea Hae? E, monghali.

256 U re, “Be, Moena Branham, theoha u mpholise.”

257 Ekare nka khona. O se a e entse. Ntho feela eo A batlang hore u e etse ke ho e lumela. Le a bona?

“Na u ka mpholosa, Moena Branham?”

258 Ekare nka be ke khona. Empa O se a e entse. U na le. . . Ntho feela A ka e etsang, hola A ne a eme mona a apere sutu ena, eo A mphileng eona, ntho feela eo A ka e etsang ke hantle seo re Mo kopang ho se etsa hona joale, le a bona, ho re tsebisa feela hore ke Èèna.

259 “Se tšabeng, ke ’Na. Khothlang.” Le a bona? Barutuo, ha A tsamaea holim’a metsi, ba e hopotse e le moea, sethotsela, kapa ho hong. Ba ne ba tšohile. A re, “Se tšoheng. Ke ’Na.” Ua bona? ’Me ke seo A neng a tla se bua bosiueng bona, “Se tšoheng. Ke ’Na.”

260 Ke shebile mosali ea lutseng mona feela, a nchebile hantle. ’Me haeba le ka E bona joale, Leseli leo ke leo hantle holima mosali ea lutseng hantle mona. Ha ke u tsebe. Empa, ntho e le ’ngoe ke ena, u jeoa ke bothata mokokotlong. Na ho joalo? Haeba ho le joalo, phahamisa letsoho la hau. Ho lokile. Tumelo ea hau e a u phelisa.

261 Mpolelle seo a se amileng. Ha ke eso ’mone bophelong ba ka. Na ha re tsebane? Haeba e le ’nete, phahamisa letsoho la hau. Ka

hona, le a bona, ha ke eso bone mosali eo bophelong ba ka. Empa ke 'mone a le *tjena*, 'me ka tseba hoba e ne e le mona. Ho lokile. Yaa.

262 Mona, ntho e 'ngoe ke ena. Ngoanana ke enoa o lutse mona setulong se ka pele, ngoana feela. Hang hoba ke bolele lebitso la hae, a—a qala a lla. Ngoanana e monyenyanane o batla ntho ea makhonthe. Khaitsetli ea hae o ntse a lla, ka mora hae. Ha ke tsebe ngoana eo, ha ke eso 'mone bophelong ba ka, kamoo ke tsebang. Empa o batla kolobetsa ea Moea o Halalelang. Ke 'nete. Na ho joalo, ngoananyana? Ke hantle, phahamisa letsohoana la hau. Le a bona? Ke moo. Ha a tsoe mona. O tsoa bochabela ho mona. Ke morali oa moromuoa. Ebile, ntatae o lakatsa ho mpona mabapi le potso e itseng. Ha ke eso 'mone bophelong ba ka, empa hoo ke 'nete hantle. U se ke ua tsoha, moratuoa. U tla amohela Moea o Halalelang. Tumelo ea hao e etsa hoo. Lumela feela.

263 Haeba ngoana eo a ka etsa seo. . . Botsang ngoana, ho bona haeba e lokile kapa che. Haeba ngoana eo e monyenyanane. . . Ba amme eng? Ngoanana e monyenyanane, na u tsoere setlankana sa thapelo, moratuoa? Ha u etse joalo? Ha u—u e hloke. Ua bona? U tsoere ho fetang setlankana sa thapelo, moratuoa. U na le tumelo.

264 Hopola, u tla amohela Moea o Halalelang, o tla—o tla O amohela. Ho bua 'nete, O pel'a hae hantle joale. Ho re, “U tseba joang?” Ke tsebile joang se neng se fosahetse, seo a neng a se batla? Le a bona? Joale, haeba ngoana eo, “ngoana o tla ba etella pele,” hobaneng u sa etse hona joale?

265 Ho na le mofumahali ea lutseng hantle mona, ea nchebileng. O jeoa ke maemo a methapo. O rapella monna oa hae, hape, ea sa bolokehang. U tla lumela ka pelō eohle ea hao, u tla amohela seo u se kōpileng. Amen.

266 Mona, mosetsana ea lutseng hantle morao *mona* moleng o kantle, o na le bothata ba bosali. U lumele ka pelō eohle ea hau, u tla fola. U lumela seo?

267 Ho na le mofumahali oa bammala ea lutseng hantle ka mora hae mono. O thapelong, empa o rapella moratuoa. Ke monna ea holileng, mohoeali oa hae. 'Me esale mohoeali eo a kutse lilemo. Ke hantle. Ha ke u tsebe. Na ho joalo? E bakiloe ke kotsi ea mofuta e qalileng bothata. Haeba e le 'nete, phahamisa letsoho la hau. Ho lokile. U a lumela na? U ka amohela seo u se kopileng.

268 Ka mokhoa e qalile ea thetheha. Mofumahali e mong oa bammala ea lutseng hantle morao mono, o jeoa ke asma. Mofumahali o tli'l'o e fosa. Molimo, nthuse. Mof. Jamison, o lumela ka pelo eohle ea hao. Ema ka maoto a hao. Ha ke u tsebe. Empa, u lumele ka pelō eohle ea hau.

269 U re, “U tseba lebitso la hae?” Khele, ehlile. Na ha A bolella Petrose lebitso la hae? Yaa. Ehlile. O tseba lintho tsohle.

270 Monna ke enoa o lutse mona, o tliš' o bolaoa ke mofetše, haeba ntho e sa mo ame ka pele. Ho ba le mofetše. Ke hantle. U a lumela? U etsa joalo? U a lumela Molimo a ka mpoella u mang? Mongh. Ladd, ke hona, ha u lumela ka pelō eohle ea hao, u ka folisoa. Ha ke eso bone monna eo bophelong ba ka.

271 Bitsa Jesu. O hara lona joale. Ha le bone na? Le a lumela? Ebang le tumelo ho Molimo. U a lumela u ka Mo tsosa letsoalong la hau joale? Le a bona? Na le a lumela? Haeba ho le joalo, beanang matsoho holimo, ka mokhoa *ona*. Beanang matsoho holimo feela. Mo biletse temeng. Ke Eo. Na u a e lumela? Ke Eo. Botsang batho bana. Ha ke eso ba bone bophelong ba ka.

272 Joale e hohle, ka mohahong joale, le sa beane matsoho holimo. Na u ke ke ua nka lentsoe la ka? Haeba Molimo a thasisitse hore ke le boleletse 'nete, le a bona, nkang lentsoe la ka ka eona. Ke le bolella seo e leng 'nete. 'Nete ke'ng? Beanang matsoho holimo. Se belaeleng. Bible e itse, "Mehlolo e tla tsamaea le ba lumelang ke eona ena. Ha ba bea bakuli matsoho, ba tla fola." Jesu ke enoa har'a rōna, hona joale, Moea oa Krete.

273 Joale, ha u beha motho ea nang le uena matsoho, joale u ba rapelle. Tsoelang pele feela, le ba behe matsoho le rapele. Ke tla rapela ho tsoa mona. 'Me ke lumela Molimo a tla folisa e mong le e mong oa lona. U ba behe matsoho, 'me u lumele, re sa rapela.

274 Morena Jesu, re motlotlo ho Uena. Pelō ea ka e a matha, hoba ke Uena enoa, hantle mona Tucson. Ke Uena enoa, hantle mona phuthehong ena ea kereke. U hara batho mona. U e pakile, Morena. Lintho tsena li ka etsoa joang haese ha e le ka Molimo? Ha ho makatse moapostola a itse, "Monna ea supiloeng ke Molimo hara rōna, ka lipontšo le meeka, etsoe Eèna, Molimo o sebelitse ka Eèna hara rona bohle, etsoe rona re le lipaki." 'Me Monna eo ke enoa, Jesu Krete, Mora Molimo, ka sebopeho sa Moea o Halalelang, bosiueng bona, o tsamaea har'a rōna, o thasisetsa Mantsoe a Hae. "Mesebetsi eo Ke e etsang le tla e etsa le lona." Re a tseba U teng mona, Morena. Ha U eso re tlohele.

275 Joale, batho bana ba beane matsoho holimo. Ke balumeli. Ba rapellana, 'me ba lumela hore U tla ba folisa.

276 Ka Lentsoe la Molimo o phelang, ka phephetso eo Lentsoe le fanang ka eona, ho re, "Mehlolo e tla tsamaea le ba lumelang ke eona ena." Ka pela Sefahleho sa Jesu Krete ea tsohileng, Mora Molimo, ka pela Sefahleho sa Hae! Boteng, Moea o Halalelang o leng teng joale, 'me o pakile hore ke Jesu hara rona, o re raositse, Morena, borokong ba rona, ho fihlela lipelo tsa rona li otlala ka potlako ka tumelo le thorisano.

277 Ka Lebitso la Jesu Krete, maloetse a mang le a mang a lelekoe bathong motsotsong ona. Ba lokolloe maloetseng 'ohle a bona le matšoenyehong a bona. Ke laela Satane, ka Boteng ba Jesu Krete, sehopotso sa Lentsoe la Hae, le itseng, "Ka Lebitso la Ka ba tla leleka matemona." Rona, joaloka banna

le basali ba lumelang, re phephetsa liabolosi enoa. Ka Lebitso la Jesu Krete, lesa phutheho ena. Tsoa ho e mong le e mong oa bona. 'Me ba ke ba lokolohe, bosiuung bona, ho ea hae, ho iphumana ba lokolotsoe maloetseng, ho lokoloha lehlabeng, ho lokoloha mahlomoleng, e mong le e mong oa bona, Morena. Ka Lebitso la Jesu Krete ho be joale.

²⁷⁸ Ka lihlooho tsa lōna tse inamisitsoeng joale, lulang le rapellana. Joale, ha monna kapa mosali a le teng, ea bileng le pelaelo pelong ea hae, moshanyana kapa ngoanana, le ho lumela hore joale u ka pel'a Sefahleho sa Eo ke buileng ka eena bosiuung bona, ke Mang ea entseng hantle 'me a u bolella; 'me a le pakela ka Lentsoe la Hae, hore O tla e etsa, 'me o tlile 'me a etsa hantle seo a itseng o tla se etsa, le a bona, hara rona bosiuung bona. 'Me ha u se ngoana oa Molimo, na u ka nyolohela mona aletareng Moea o Halalelang o sa ntlotsoa le ho tlotsoa ba bang bana, 'me re ke re le rapelle? Na le ka tla re sa inamisitse lihlooho tsa rōna, re sa inamisitse lihlooho tsa rōna motsotso feela, ha re ntse re ipinela borona, "Lumela feela, lintho tsohle. . ."

²⁷⁹ U re, "Moena Branham, ke batlile Molimo ka lilemo, 'me ha ke—ke—ke eso tlatsoe ka Moea le ka mohla. Ha ke Mokreste ea tsoetsoeng labobeli. Ke—ke batla ho tsoaloe labobeli. Ke—ke e batla kannete. 'Me 'na, Moena Branham, ke batla hore u nthapelle."

²⁸⁰ Na u ka nyolohela koano ua ema mona, re sa binela sena ka marameng, kapa ho se bina hang, ka lihlooho tsa rōna tse inamisitsoeng le ka lipelō tsa rōna tse inamisitsoeng? *Lumela Feela*. Ke ikutloa ke etelloa ho etsa sena, ka mokhoa o itseng. Ha ke tsebe. Ha ke eso etse sena le ka mohla. Empa ke ikutloa ke etelloa ho e etsa hona joale, hore pitso ena e tlameha ho etsoa. Ka hona, hoo, qetellong ea mongoaha, mohla ke emang ka pela lona hape. . . Mohlomong ha ke sa tla hlola ke khutlela mona selemo ho tloha kajeno, ho tla ba le. . . Ha nka phela selemo, ba bangata mona ba ke ke ba khona. Le a bona? Ba ke ke ba khona, hobane batho ba holileng ba teng mona. 'Me—'me bongata ba lona bo ke ke ba ba mona selemo ho tloha bosiuung bona, empa ke tla lokela ho kopana le lona ka nako e 'ngoe. Ka hona, ka pel'a Sefahleho sa Krete, ke le kopa ho tla kapele joale, ka Lebitso la Jesu, le ho Mo amohela joaloka Mopholosi oa lona, re sa bina joale ka lihlooho tsa rona tse inamisitsoeng.

Lumela feela, feela. . .

U batla ke rapele le uena, na u ka tla koano?

Tsohle li lokile, na u ke ke ua khona feela. . .

²⁸¹ Lumelang feela hore O teng mona, nahanang feela, Ea ratehang eo le tla lokela ho ema kahlong ea Hae ka nako e 'ngoe. Haeba sebe se u tsoenya, na u ke ke ua tla kapele?

. . .lumela feela,

Tsohle. . .

Ke hantle. Nyoloha hantle. Yull o a . . . Tloo koano hantle, khaitsele. Na motho e mong oa tla hona joale? Tsoela pele.

Oho Morena, ke . . .

Ke eona. Ke eona. Tloo.

. . . Morena, ke tla lumela,

282 “Ke tla lumela hona joale, Morena, hore U teng mona.”

Tsohle . . .

“Ke lekile, Morena, empa ha ke tsebe. Tsohle li ka etsoa. Morena, ke a lumela. Ke batla ho loka ho Molimo. Nka . . .” Molimo a le hlohonolofatse, bashanyana, ba tsoang kantle.

283 [Moena o re, “Ke batla hore ba tle ka *mona*?”—Mohl.] (Joale, hoo ho lokile, moena. Ho lokile. Ke tla theohela ho bona hantle. Ke tla le theola bohle . . . ? . . .)

. . . Oho Morena, ke a lumela,

Tsohle li lokile, oho Morena, ke . . .

284 Morena, hoba U tsohe bafung, lilemo tse sekete le makholo a robong tse fetileng, 'me mona U entse tšepiso ea hore re tla U bona matsatsing a qetelo, hore U tla etsa eona ntho ena. 'Me ke Uena enoa u fihla, bosiueng bona, hantle ka pel'a mahlo a ka, mongoaheng ona oa hlalefo, mongoaha oa mahlale, le ho roba molao o mong le o mong oa mahlale, ho roba ntho e 'ngoe le e 'ngoe eo basomi ba e buileng, le ho theohela hantle har'a rona, le ho paka hore U tsohile bafung. “Ke tla lumela, Morena. Ke a lumela,” re sa se bina hape.

Morena, ke a lumela . . .

285 Na le ka tla joale, lona ba bang bohle? Tloong hantle. Nyolohang feela, lona bohle. Bohle ba batlang ho amohela Krete bosiueng bona, na le ke ke la tla?

. . . tsohle li lokile, oho Morena, ke a lumela;

Oho Morena . . . (“Morena, ke tla lumela.”)

286 Ha ho letho le tlamehang ho etsoa, Morena. Ke pontšo ea ho qetela eo U e tšepisitseng. Ho rera Lentsoe, ho folisa bakuli; hopolang, Lentsoe le reriloe, bakuli ba folisitsoe. Empa pontšo ea ho qetela ho Kereke e bitsitsoeng ke ena, Kereke e bitsitsoeng ea Pentekosta. Pontšo ea eona ea ho qetela. “Ke tla lumela.”

287 Joale, re sa tšoere tsena, palo e phethahetseng mona bosiueng bona, ea supa, e bolela botlalo. Ke ne ke batla feela ho ba le bonnete. Moea o Halalelang . . . Ha le eso mpone ke tšoara tšebeliso ea pholiso, le ho khutla hantle ke memela aletare. Ua bona? Empa Moea o Halalelang o itse, “E etse.” Ua bona? “E etse hona joale. Ena ke nako. U e etse.” Ka nahana . . . Ka retolohela ho Moena Mack. A re, “U e etse.” Ke bana, supa, palo e phethahetseng. E ka ba pitso ea bona ea ho qetela, empa ba e utloile. Ba entse hantle seo Molimo a ba laetseng ho se etsa.

288 “Ea utloang Mantsoe a Ka ’me a lumela ho Ea Nthomileng, o na le Bophelo ba kamehla, a ke ke a tla Kahlong, empa o tlohile lefung ho kena Bophelong.” Ba tlohile lefung ho kena Bophelong.

289 “Ea hlajoang ke lihlong ka ’Na pel’a batho, le eèna Ke tla mo soabela pel’a Ntate oa Ka le Mangeloi a halalelang. Empa ea tla Mpolela pela batho, le eèna Ke tla mo paka pela Ntate oa Ka le Mangeloi a halalelang.” Ke bana ba eme, banna ba bararo le basali ba bane.

290 ’Me na le tsebile sekahla sa pelehi se joalo lefatšeng kajeno, United States? Basali ba bane nqa banna ba bararo. Sekahla sa lipelahi se joalo. Likhahla tsa tsoalo ke tsena hape bosiuung bona, li khutlela ka hare ho kereke. Amerika e fumana ea ho qetela. E felile. Ke phetho. Re nakong ea bofelo.

291 Joale ke a ipotsa na ba bang, ’mè e mong ea lokileng kapa mosali mona, ea tlatsitsoeng ka Moea o Halalelang, ba bararo kapa ba bane ba lona, ba ka tlang mona, ba ema le likhaitseli tsena, ha ke ntse ke ea ba rapella. ’Me baena ba bararo kapa ba bane, mohlomong baena ba rona ba bareri mona, ba theohe, emang haufi le bahlankana bana ba khabane ba emeng mona, emang mona re sa ntse re ka paka ’moho. Ke tla theohe, ho rapela, le ho bea batho bana matsoho. ’Me ke batla motho e mong le e mong ka kerekeng ena a lumele le ’na, re sa rapela. Ke hantle. Molimo a le khonolofatse, baena. Ke tla theohe le lōna, ho ba beha matsoho.

292 Joale ke batla motho e mong le e mong a be le tlhompho ea ’nete, ka kopo, nakoana feela, karolo e halalelang haholo.

293 Joale shebang. Ke phetho seo ba ka se etsang. Ke . . . Shebang. Le a tseba, ba utloile Puo ea Molimo, ’me ba nyolohetse mona. Bahlankana ba mehleng ena, basali ba mehleng ena, ba tllile mona ho tla ipolela phatlalatsa, ba qetile ka sebe. Ke itse, “Ea batlang ho amohela Jesu Krete joaloka Mopholosi oa bona, a tle kapele.”

294 ’Me Boteng ba Molimo bo tsebahatsa mehopollo, ho bolella batho se phoso ka bona, hore ke bo mang, se lebahaneng le bona, moo ba tsoang teng, le a bona, haeba seo e se Krete, ebe ke eng? Ke tšepiso. Molimo o itse O tla e etsa. ’Me batho bao, mohlomong khetlo la pele ba kileng ba . . . ’Me bao, baetsalibe, ba itse, “E, ke lumela hoo. Ke eona. Lentsoe ke leo le bonahatsoa—bonahatsoa. Le entsoe nama. Lentsoe ke nama hape, Molimo o sebetsang ka nama ea motho. Re a tseba hore ke ’nete.” ’Me ba nyoloha ba re, “Ke qetile ka sebe.” Ke boipolelo ba phatlalatsa. Ke pheto ka eona.

295 Joale, ho lona batho ba ratehang ba nyolohetseng mona, ka tsatsi le leng ke tlameha ho kopana le uena, khaitseli, mose ho moeli koana, e mong le e mong oa lona. Ke tlameha ho kopana le uena mono. Ke tlameha ho ikarabela ka seo ke se buileng. Baena, ke tlameha ho ikarabela. Ekaba u—u entse lintho tse

khabane haholo. Ekaba u mametse batsoali ba hao. Ekaba u entse lintho tse babatsehang. Empa ntho e khōlō eo u kileng oa e etsa bophelong ba hau ke seo u se etsang hona joale. Le a bona? Ke ntho e kholohali eo u kileng oa e etsa.

²⁹⁶ Joale, haeba Molimo—haeba Molimo o rometse Moea oa Hae 'me o pakile, 'me eaba Ntho eona eo e bua ka 'na ea re, "Bitsa." Joale, haeba u kile oa etela likopano pele, u a tseba ha ke etse hoo. Ke tla e fetisetsa ho molisa. Empa A re, "U etse sena." Le a bona? Eaba ke a e etsa. Ka potlako, ke ne ke tla . . . Ho bile le motho mona, 'me e ne e le nqa e 'ngoe ka mona, ke bone Leseli leo kae-kae le haola holim'a bona. Ke qalile. 'Me hang feela, Ea khaoha. Na le hlokometse kamoo E fetohileng kateng? Ho re, "U etse sena." A re, "Bitsa hona joale." Ke sona feela seo nka se etsang. Ke hantle. Ke sona feela seo nka se etsang. Ke lona bana.

²⁹⁷ Joale, Jesu o boletse, ho Santa Johanne 5:24, le a bona, ke sena, sane, "Ea utloang Mantsoe a Ka, 'me a lumela ho Ea Nthomileng, o na le Bophelo ba kamehla." U lumela seo, mora? Le lumela seo, e mong le e mong oa lona banna? Lona basali le lumela seo? Ke phetho seo le ka se etsang.

²⁹⁸ Ebe u etsa 'ng? Amohela. Ha ho letho leo u ka le etsang. Ho re, "Morena," ka pelong ea hao, "Ke masoabi ka seo ke se entseng. Ke amohela seo Jesu a nketselitseng sona ka thabo. Bosiung bona, ho qala horeng ena ho ea pele, ke tla phelela Eëna. Ke tli'l'o amohela Jesu Kreste joaloka Mopholosi oa ka. Ke tli'l'o amohela kolobetso ea Sekreste. Ke a lumela U tla ntlatsa ka Moea o Halalelang. Ke batla ho U phelela."

²⁹⁹ Ho se ho se hokae 'me u tla fumana sohle se fetotsoe, 'me u 'mopuo a e mocha. Bophelo bo bocha bo a kena, 'me u phela ho tloha moo ho ea pele. 'Me ke tla kopana le lona hape setulong sa kahlolo sa Kreste, e mong le e mong oa lona. Ke tla kopana le lona mono, 'me ke tla lokela ho jara boikarabelo ba seo ke . . . Molimo o tla ntjarisa boikarabelo. Empa haeba u ka e amohela holim'a . . . Ho re, "Sohle seo ke se entseng, U a tseba, Ke nyolohetse mona ka pel'a batho bana ho bontša hore ke masoabi. Ha ke . . . Ke ne ke sa ikemisetsa ho etsa hoo. Ha ke sa batla ho e etsa. Ke qetile." Ke seo . . .

³⁰⁰ Joale ke batla le inamise lihlooho tsa lōna. Ke batla e mong le e mong oa lōna baena le likhaitseli le mpehe matsoho. Ke batla motho e mong le e mong oa kereke ka mona, Mokreste ka mong, le inamise lihlooho tsa lona ka thapelo e ikokobelitseng ha ke ntse ke rapela. 'Me na le tla rapela le 'na, hore Molimo a abe kopo ena?

³⁰¹ Joale, Ntate ea Maholimong, ho eme mosali mona a lla, mosali e mocha, mosali e motle e mocha o eme mona, a lla. O . . . [Moena Branham o tsoelapele ho rapela le batho. Sekheo lebanteng—Mohl.]

302 . . . holim'a U tiisa seo U itseng U tla se etsa. U tšepisitse U tla e etsa. U theohile oa folisa bakuli le ba shoang, 'me ba fetotsoe ho tloha lefung ho ea Bophelong.

303 'Me ba bang, ba shoa moeng, ba potlaketse aletareng. Mangeloi a Lehlimo a nyakaletse, ho latela Lentsoe la Molimo, "Ba lahlehileng ba khutlile." Jesu o leleka matemona ka monoana oa Molimo, empa mohla A neng a pholosa nku, A e beha mahetleng a Hae, karolong e matla ka ho fetisisa ya 'mele oa Hae, 'me a e kenya kahare.

304 Joale ke bana, Morena. Ke ba Hau. Ke ba laelets'a ho Uena, joaloka matšoa a lerato a Boteng ba Hau bosiueng bona. Ba boloke, Morena, ka khotso e phethehileng. Le ho ba fa Bophelo Bosafeleng, ba se ke ba timela, ba mpe ba phele kamehla. Molimo, U tšepisitse hore U tla mo tsosa ka letsatsi la ho qetela. Ke lumela seo. 'Me ke ba Hau.

305 Joale ka lihlooho tsa rōna tse inamisitsoeng, e mong le e mong. Ke batla ho le kopa ho tla aletareng hona joale, hore, ho tsoa—ho tsoa botebong ba pelo ea hao, u tle ka botšepahi. 'Me ho tsoa botebong ba pelo ea hao u lumela hore Bibe e lokile; hore Jesu Krete, Mora Molimo, o shoele sebakeng sa hao. Ha u na tokelo ea eona. Ha u na tokelo. U a tseba. Empa kahobane u ne u se na tokelo, Molimo o Mo rometse, Ea nang le tokelo; hore lōna, ba sa tšoanelehang, le ka etsoa bara le barali ba Molimo. Le letho. . . Empa ntho e ka pelong ea hau e u bolella hore hoo ho lokile, 'me u a e amohela. U E lumele ka pelō eohle ea hau, le ho Mo amohela joaloka Mopholosi oa hau. Ha le a etsa letho, haese ho lumela hore O entse. U a E lumela. Ke batla u phahamise letsoho la hau, ho re, "Na joale, ka Lebitso la Krete, ke tla amohela Jesu Krete ho ema sebakeng sa ka mono." Ke phetho seo A batlang ho se etsa, ho nka sebaka sa hao. Molimo a u hlohonolofatse, le ho u hlohonolofatsa. "O tla nka sebaka sa ka."

306 Joale ke batla le retolohela nq'a letšoele, hantle nq'a letšoele. Retolohang le boele le shebe nqa *ena*, le shebane le mokhupi. Ke batla lona batho ba emeng, le ntse le rapela, ke batla bohle le shebe batho bana. Joale ba shebeng ha ba phahamisa matsoho a bona.

307 Lona ba itsebang hoba le ne le le baetsalibe, 'me joale le tlohile lefung ho kena Bophelong, phahamisetsang matsoho a lona sebakeng hape ka mokhoa oo. Phahamisang matsoho a lona. Ke batla lona ba letšoeleng le ba amohelang joaloka baena ba lona le likhaitseli, phahamisang matsoho a lona *joalo*. Joale, ke moo.


308 Khanya ho Molimo! Ho bokoe Molimo! Ke ba Hau. Ke bara le barali ba Molimo, ba lopolloa.

309 Joale rōna, e mong le e mong a iname, lihlooho tsa rōna, le ho leboha Molimo ka seo O ba etselitseng sona.

³¹⁰ Ba kulang ka mona ba bakae, ba ikutloang ba kula, 'me joale u phahamise letsoho la hau, ho re, "Ke a lumela ke a tseba hore Boteng ba Jesu Kreste bosiuung bona bo mphelisitse. Ha ke sa kula." Phahamisang matsoho a lona, e mong le e mong. Shebang mona, letšoele lohle. Ke botle. "Hona joale ke phelisitsoe ka Mali a Jesu Kreste."

³¹¹ Joale, ha re inamiseng lihlooho tsa rōna hape. 'Me e mong le e mong, lona batho, nyolohang, le behe batho bana matsoho, lona Bakreste. U batla ho ba otlollela letsoho le letona la bolekanane, le ho ba hlohonolofatsa, le ho ba memela kerekeng ea hau, kapa sefe seo u se etsang. Molimo a be le uena.

³¹² 'Me ha re inamiseng lihlooho tsa rōna joale. 'Me e mong le e mong oa rōna, ka mokhoa oa rōna, re leboha Molimo ka seo A se entseng. Ho lokile. Ha re inamiseng lihlooho tsa rōna.

³¹³ Moena Mack, hobaneng u sa tle mona oa re etella pele ka thapelo ena. E, Morena. E. 

63-1103 E-ea, Tsosa Jesu
Grantway Assembly Of God
Tucson, Arizona U.S.A.

SOUTH SOTHO

©2026 VGR, ALL RIGHTS RESERVED

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.
www.branham.org

Temoso Ea Tokelo Ea Qopitso

Litokelo tsohle li babaletsoe. Buka ena e ka porintoa ka porintara ea lelapa molemong oa motho eo kapa ea abjoa, ntle ho tefiso, e le thepa e jalang Evangeli ea Jesu Krete. Buka ena e ke ke ea rekisoa, ea boela ea hlahisoa ka bongata, ea manehoa leboteng la website, ea bolokoa ka tsela eo e ka boelang ea ntšoa, ea fetoleloa ka lipuo lisele, kapa ea sebelisoa ho qela matlole ntle le tumello e ngotsoeng ea Voice Of God Recordings®.

Ho fua boitsebiso bo bong kapa bakeng sa thepa e nngoe e ka fumanoang, ka kopo ikopanye le:

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

www.branham.org